

兩浙輶軒續錄

兩浙輶軒續錄卷五十四目

汪端 沈懋昭 沈寶善 湯繡娟 孫安祥

戴小玉 葉氏 楊素書 夏伊蘭 孫蘭韞

鎖瑞芝 阮恩灤 孫佩蘭 汪筠 汪份

馮紉蘭 鄭蘭孫 鮑靚 王姁 黃巽

吳藻 馮彩珍 張桂芬 陸漱芳 王玉芬

沈允慎 高學歐 陳泰 朱淑均 朱淑儀

陸豐 蕭蘭若 鄒錦 許蕃 朱烈婦

徐玉如 沈玉筠 陳受之 朱瑩 金淑芸

周之鏌 陳葆貞 朱美英 朱璵 李壬

樓秋畹 胡繡珍 朱淑娟 周蓉 錢蘅生

張鳳 吳芬 吳芳 陸費湘子 王瑤芬

陸瑀華 朱日貞 孔素瑛 吳掌珠 徐靜安

汪韞玉 孫佩芬 談印梅 談印梅 張繡雲

陳珍瑤 陳珍珊 嵇景照 吳亥生 徐延照

張藹雲 洪暉堂 竺愚 范泗 王韡

李秀 宗桂 宗梅 宗慶 何京

程芙亭 陳潤 陳蘭君 呂霜 盧德儀

馬如佩 端木順 冒俊 汪清暎 沈晚香

朱均 朱迪珍 袁綬 凌祉媛 包韞珍

嚴迢 汪蘅 嚴蘅 陶珍 高葆貞

張煒 計珠儀 計珠容 唐彤 唐彩

黃珏 嚴永華 戴蘭枝 吳蓮漪 吳順卿

吳氏 朱保甜 勞蓉君 余雲貞 沈玫

陳靜德 錢令芬 金蘭 曾碧芸 鄭蕙

項瑱 陳鈺 孫傳芳 樊氏 許誦珠

錢卿藻 顧佩英 章韻清 汪毓英 孟慧蓮

張茗蓀 陳葆懿 沈秉靜 沈元梅 程烈女

俞繡孫 沈孝蘅 蔡鹿芝 秦氏 汪素

周維德 陳織仙 孫芳祖 屠姑 申志廉

朱承芳 許綺詩 張烈婦 晝梁 程靜宜

沈荷 董吟花 毛玉荷 王氏 汪雲溪

姜承宜 余淑芳 靜諾 石巖

兩浙輶軒續錄卷五十四

督學使者潘衍桐訂

汪

端字允莊

錢塘人候選布政司經歷瑜女湖

胡敬傳畧汪宜人聰穎天授七歲賦春雪詩讀者謂不

國

唐宋元明及

朝人詩閨一過輒棄去留青邱梅邨兩家已又去吳曰

梅邨濃而無骨不若青邱淡而有品及觀青邱以魏觀

貽害向七子鏢榜成習牧齋歸愚選本推夢陽而抑青

邱大恨之誓翻詩壇冤案因選明詩初二集有論世知

人之識明代賢奸治亂之迹亦畧其焉於文字外以博

厚應世為妓湯湘綠紳青刊遺稿初青孤女賓

未宇助衣飾嫁之以小雲通判如同知銜封宜人

石韞玉序畧允菲幼懷貞敏性耽墳典所著詩旨遠而

辭文其格律在錢郎溫李間而不落蘇黃豪縱之習可

謂古風人之遺許宗彥序畧余亞汪君季懷幼女端幼失怙恃嘗依余

室人若每終日坐一室手唐人詩默誦遇得意處嗑然

以笑咸以南賦才二編倍文不誤一字

山哀江南賦才二編倍文不誤一字

蕭掄序畧小韞記誦賅洽其舅雲伯言嘗於十七史中

之件作乎其
熟於史也

管筠序畧君年十八來歸為公子小雲室頤道主人

疾君中夜露禱長齋三年夫婦異室頤道寓吳門即天

潛先生故宅有書堂饒花木奇石山舟太史顏之曰自

然好學齋君幼年讀書地也及來歸復為寫韻畫眉之

所因名其詩幼受業高邁庵先生以其後人衰替每歎

身非男子不能盡師門之誼以為生平憾事君自信七

律可傳集中如明詩選題詞三十首西湖詠古十六首

皆明整清麗近以玉姬紫湘告歿哭之慟先後為詩十

六章以寄哀思更極沈痛不如之

美上符關雖膠木非直詩之工也

孫德祖曰小韞宜論古之作持論一軌於正多足以

維持名教千秋詩史乃屬紅閣足令鬚眉媿死往時嘗

與陶子纈編修互舉兩家故實余極不平八州督折翼

天門之謗子纈亦以臨川醜詆與公為失是非之公得

宜人萬騎勤王齋前楚楚二截句宿憤一雪

恨不能起蘭當於地下與之呼鑿快讀也

許進士觀政秋曹父天潛博學工詩子女皆能吟詠宜

人尤幼慧誦水元虛海賦兩過即背誦不遺蓋異才也

其詩和雅其重有林下風致手輯明詩三十家閩秀梁

德繩序稱其力至於是非得失之故興衰治亂之原尤

三致意焉讀是書者不特三百年詩學源流助考列
眉卽三百年之是非得失亦瞭如指掌蓋確詳也
秦溝粉黛甄倪歌 并序

涇邑某氏藏澄泥古硯紅白青翠斑剝錯落若珠璣
上有建業文房印余忠宣銘注以爲秦阿房宮溝宮
人傾粉澤脂水所成洵異物也紀之以詩

南唐硯山不可見人閒猶贖南唐硯香姜銅雀久銷沈幻出
秦宮雲一片六國蛾眉競曉妝歌臺舞殿起阿房星熒明鏡
驪山遠漲膩凝脂渭水香四圍錯落珠璣細粉暈斑斑黛痕
翠臨波想見卷衣人玉姜豔逸文馨麗深鎖長門卅六年魚
膏銀海闕重泉御溝空照秦時月春水流花冷暮煙楚人一
炬悲焦土留得殘甄碧苔古建業文房好護持鍾山小隱風
流主金縷應填絕妙詞新聲曾譜恨來遲紅羅亭榭瑤光殿

知付娥皇付保儀一行題跋忠宣筆昆刀細劃龍山雪早春
獨殿賦梅花不礙廣平心似鐵何處香花識舊墩百年流轉
到清門松煙寒滴蟾蜍淚蘭篆紅銷蜥蜴魂秦臺未到吹簫
處秦山尚有宮人墓澄心堂紙玉管臺夜燈還寫阿房賦

讀賈誼傳

賈生王佐才憂時心獨苦一上治安策廷臣色如土屏棄長
沙遷寂寞宣室語日斜鵬鳥來感慨涕零雨生不絳灌列歿
竟屈宋侶肯逐燕雀翔摧傷黃鵠羽

題澄懷堂遺集後

并序

余自丁亥孟春痛聞小雲夫子之變血淚枯竭一息
僅存廢吟詠者幾及期年戊子季春扶病編定澄懷
堂詩文全稿春雨淋浪百端交集咽淚敬書四律聊

以紆哀初不計工拙也

經年鬢髻感茹荼小閣滄桑守藥鑪
杞婦城崩悲未竭湘娥

竹盡淚難枯椿庭夢渺橫江鶴
事見翁大人所撰鶴夢遺音萱寢愁聽繞

樹烏腸斷遺文扶病校忍哀還撫膝前孤

負米蹉跎鬢欲星玉龍騎折恨難平
倦經燕趙悲歌地飽聽

瀟湘夜雨聲烟浪有山愁大別
君詩云請看大別山前水流下長江更不同蓋詩識也

人天無石問三生清宵縱到蓉城路
殘月疏鐘夢未明余嘗夢至

一所若清虛之府君據案修文不數語而寤見余所撰夢玉生事畧

紫玉傷心久化烟定知相見及黃泉
碧螺分供靈筵茗白蜨

同焚塔院錢憐爾乘鸞餘畫扇嗟余別
鵲感驚絃虎山芳草

難親奠寒食梨花血淚縣
君樞與紫姬同厝虎阜後山禪院今春余抱病不能往奠痛哉

澹墨題襟不忍看
君寓楚北醫所居為漢上題襟館故鄉秋雪夢漁竿虛傳

旅況襄陽樂早識人情蜀道難正則長沙聯古侶悔存瓶水

共詩壇若詩學黃仲則而前輩敬容殘客今如雨誰念西華

葛帔寒

沈懋昭字德馨號季蓮江蘇華亭人錢塘蔣勤培室著挹翠軒詩鈔

吳振棣曰季蓮為雲間沈文恪公荃四世女孫幼隨父

研田先生宦游三楚為五七言古近皆閑雅可觀年十

五于歸蔣氏琴瑟相得道先己丑奉

姑張南旋越四年而卒年二十有三

秋望

九月三湘地秋風滿竟陵綠餘千樹橘紅賸半湖菱雲影遮

還薄霜花落未曾早知冬在望煙水益清澄

小園夏日

水色山光逼郡齋數竿修竹繞蘭階箇中真有清涼境此地

從無去住懷案賸奇書稱越絕人留韻語似齊諧蕉窗偶爾

微風過幾許蟬聲噪綠槐

春分日作

海棠初吐柳初含屈指韶華三月三
侍女喜晴勻綠鬢嬌兒趁暖試春衫
紅酣戶外桃剛放青到簾前草不
芟為道杏花風信過一雙紫燕語呢喃

沈寶善

字湘佩錢塘人著鴻雪樓詩集

李世治序畧女史母吳浣素夫人一時名媛才藻富麗著有簫引樓集女史乘承有自可謂不櫛進士矣富兒揚阿序畧女史年纔及笄穎悟絕倫性篤孝友故其為詩至情流露深得溫厚和平之旨

秋夜懷劉箋雲女史

病骨倚愁城懷君對短檠如何今夜雨都作斷腸聲
秋水菼葭冷天涯歲月更何當重翦燭隍鹿話三生

秋夜

日暮倚城樓珠簾懶上鉤瑤琴彈子夜玉笛按涼州花影一庭月蟲聲萬戶秋壯懷忘巾幗絕域夢封侯

時西陲四城失守

送笛舟大兄回杭

相對轉無語相看淚滿衣生憐一行雁同出不同歸

湯繡娟

字湘綠錢塘人燾女汪初室著蘭雪軒稟

七夕

人間天上總良宵雲作橫河鵲作橋誰與黃姑鬪眉嫵一彎新月帶秋描

長至後一日始見雪戲作短歌

紫茸裘薄尖寒凝玉階亂灑瑤花影小眠深屋喜鑪溫待揭繡簾嫌手冷當階瓊樹擁銀沙如月雕闌一帶斜得句謝庭誇詠絮有情陶宅解烹茶烹茶詠絮閒中樂不管茅檐寒起

粟欲排仙馭，迓飛瓊，更覓藍田思。種玉金尊，酒浪疊紅鱗。西
北樓高不盡雲，數筆蕭疎，摩詰畫一，篇瑩淨惠，連文晚來亭。
角龍拖重翠，竹深棲白毫，鳳遙憶孤山處。士家幾重香透，梅
花夢。

咏几上水仙

翠旗斜曳，金枝簇春冷。花宮琢瓊玉，髣髴瀟湘解佩人。淩波
冉冉，羅裳薄，晶簾穿透，明月光。甜香一縷，凝幽房，梅花帳底
吟懷澹。竹葉窗前，清夢長。烏皮几，置黃鬢，斗勝賞瓊閨，肯孤
負。搖搖銀燭，照明窗一，酌寒泉當清酒。

夜坐小窗聞雨

夜闌人寂靜，風竹響瀟瀟。鏡影紅星綻，爐香碧篆搖。愁深知
酒淺，寒峭惜花嬌。巷陌明朝霽，開簾杏雨飄。

澹月

鏡影籠雲葉虛庭澹夜光易迷三里霧頓失半林霜
蝶夢憐衰草花魂滯短牆廣寒何處認羅幕掩明妝

孫安祥

字竹卿錢塘人同寶女著白雲樓詩稿

仲春雜詩

九十春過半攤書百事情微微潑火雨隱隱隔林鐘
飛絮沾帷幔閒雲臥遠峰倚闌清景好詩思正無窮
滌研來軒外當階碧水盈雨餘嘵鳥至風過落花輕
草色一簾受晴光萬里橫高吟欣自得煮茗助閒情

戴小玉

字倩梅錢塘人兵部侍郎熙妹朱文檀室

戴熙序畧吾妹幼耽吟咏若吳夙慧者年十八歸山橋
朱君閱一歲遽歿家大人不忍棄之命熙手書授梓妹

甫嫁卽勝其妝樓之右側曰倩梅篔簹更自號倩梅今刊其詩遂為倩梅篔簹遺稿云

春夜聽雨

鑪篆沈沈幕影垂
小樓翦燭費尋思
桃花雨後梨花雨
多在春深夢淺時

和諸兄詠苔用尖又韻

夜來聽得雨廉纖
爲覓春痕犯曉巖
簾額濃堆青似黛
石棧細糝綠於鹽
平鋪窄徑纔通屨
漸上積垣不礙檐
小立階前休道滑
文茵好護鳳頭尖

細篆蟠螭絕勝鴉
磯頭蝕徧釣魚車
愛趨冷淡沿枯木
不讓風情借落花
翠壁叢生宜淨域
朱門絕迹笑豪家
渴毫試證王黃鶴
一幅殘縑上畫叉

涼信

涼信到鴻雁
夜潮風雨來
此時間落木
秋思正悠哉
感彼授

衣節慚無賦，扇才沈吟倚窗戶。擁袖獨徘徊。

葉

錢塘人，宛西女。趙贊元室。著友琴軒詩集。

春雨感懷

零落春光奈雨何，桃花滿徑綠陰多。閒中易動別離恨，老去堪嗟歲月過。掩鏡祇因憐瘦影，怯寒猶未試輕羅。知情最是窗前柳，也向東風歛翠蛾。

楊素書

字韻芬，錢塘人。諸生夏之盛妾。

道光辛丑仲冬大雪紀事

沈陰五日天地閉，萬徑蒼茫鑿玉戲。冷龍鬥敗鱗甲拋，愁挾罡風作威勢。樓臺傾折棟垣摧，苦無雙鬪能逃避。明晨里正徧報災，五百餘人遭壓斃。就中頗有未覆屋，危如累卵一絲繫。凍痕迸裂瓦縫圻，屋漏淋漓滴橫莫。制人民魄，隨至斯極禱。

災到處窮牲幣或者天公抵兵劫讖語分明微白地擁衾臥
聽風霰聲獨對寒燈心惴惴

夏伊蘭

字佩仙錢塘人著吟紅閣詩鈔

吳振棣曰佩仙為吾友松如茂才女松如既負清才其
箴室揚素書韻芬又工吟詠佩仙蠲髻濡染并寫遂多
一字之工互相吟賞惜十五而殤不禁權豔滙珠之歎

聖因寺攬勝樓

覽勝還將勝境登幾回小憩倚枯藤竹聲多似清吟客標格
高如戒行僧遊愛早春人寂靜飲當薄醉興蒼騰散花可許
參天女梵筵同翻最上乘

卽景

淡對琴書百慮空新涼最好倚簾櫳半窗秋影梧桐月一枕
幽香茉莉風綺語漸消詩句裏閒情都付茗甌中拈鍼不及

拈毫慣翻爲耽吟誤女紅

孫蘭韞

字九畹錢塘人四川永甯道高應元室著以雲閣詩鈔二卷

感賦

前日送君去新月懸蛾眉今日君歸來殘月含餘輝相別只
經旬辜負團圓時月缺猶可盈時去無還期感此惜寸陰對
月長歔歔

咸豐二年外子選廣西潯州府於十二月初四日謝

恩

召對賦此誌喜

丹詔初傳觀

紫宸

九重溫語荷垂詢捧將

天上雲霞詔布作灘中草木春三管羣黎勞

聖慮一麾

特簡重儒臣蠻疆萬里兵戈阻

賊匪起自粵西兩年矣民遭塗炭今始粗平

叱馭

王尊敢愛身

到處追隨宦作家游蹤又泛嶺西槎關河險阻應同歷

聞沿路有

警山水清奇自古誇

閩桂林山水甚佳

肯以一官榮井里

在京給修墓假回籍

猶無十畝事桑麻何時白首相偕隱好覓幽棲遠俗譁

甲寅新正卽事

暮景頻催夕照微當年青鬢已全非未攜藜杖從誇健有約

梅花尚不歸把酒肯辭今日醉拋書久與古人違養生懶學

莊周術心似閒鷗早息機

鎖瑞芝

字佩芳錢塘人江西鹽法道吳兆麟室著紅蕭吟館詩稿

系稿四 貞要

吳振械傳畧孺人幼有至性年十二侍父疾卽晝夜誦經以祈神佑父卒母以過哀致疾劇復焚香籲天願以身代且封股和藥以進母疾遂瘳時年十五耳旣長奉侍不離跬步及于歸以孝其親者孝於舅姑曲意承順能得心

初夏

似水春光去憑闌有所思綠陰當戶靜紅雨撲簾遲善病時

親藥多愁嬾賦詩閒階聞抹麗香凝晚妝時

阮恩灤

字媚川江蘇儀徵人太傅大學士元女孫河

阮恩灤南候補知府錢塘沈麟元室管慈暉閣詩鈔也故名年二十二歸直指拱辰子麟元道遠麟元爲費

婿明年還浙未抵家遭直指公喪妹經入門恆以新婦非祥女自咎侍姑病能盡禮髮寇犯揚州吾母避居

北湖妹憂甚病咯血恐傷母心祀不告適母以事抵杭州相見始瞿然驚未數日竟逝爾留之際語余曰累慈

母矣如歸途何又語麟元曰必以素服歛蓋舅喪未終耳嗚呼賢矣

沈兆霖序略恭人性至孝有夙慧少受書於母氏劉通毛詩又熟精古詩源流解琴理吾師文達公獨愛憐之

呼之曰

琴女孫

緝雅堂詩話媚川夫人為儀徵相公女孫幼工詩律長
精琴理又能通毛傳大義幽嫺淑慎不媿門風福慧無
年蕙蘭早折檢錄遺稿
工秀特絕此詠絮才也

鄉居晚眺

潏漾雲濤作勢奔夕陽衝破遠山痕
春前花鳥無消息天末音書役夢魂
陵谷百年人事改江淮半壁戰塵昏
倉皇行館同巢幕不及歸鴉向晚村

兵亂未息鄉間久疏南望白雲形
神卒瘁率賦長歌用
攄憂抱

羽檄半天下江南復江北千里望白雲
可望不可即憶昔在室時帑幃侍晨夕
勝衣授文史章句勤記述餘事及繪畫
丹青恣塗澤如何一揮手鵷蟀頓代易
巾車願言邁歸甯那可

得豈伊岡阜高伏莽多蝨賊豈伊風濤阻旌旗蔽江黑百憂
從中來寤寐空反側深淵有蛟虵叢薄饒豺獍音信亦已渺
何況見顏色日月如轉轂烽火何時熄欲取瑤琴彈思歸操
誰識欲引濁醪飲愁病輸酒力區區寸草心胡以酬愛日安
得掃欂槍塵氛清四極上賀風雲通下慶亂離息載詠河廣
詩長風送歸楫

雲棲題壁敬步先文達公韻

四山滴寒翠長松夾修篁江潮齧岸急天風吹衣涼咨禪參
舉葉禮佛來焚香定禽寂無語雲閒鐘梵長

選樓四時詞

六幅蟬紗曉檻開絲絲煙柳拂池臺佳辰又是清明近羅幕
低垂細雨來

金鏡平開水一方
曲崖如幔石如牀
月明風送荷香遠
銷得詩魂耐晚涼

草凝寒露竹凝煙
水淺池塘墮白蓮
雨過小林涼意足
滿庭秋思雁來天

幾日繁霜淺草枯
十三絃柱雁行孤
平林蕭瑟棲殘照
金背寒鴉接翅呼

卽事

鎮日雨廉織樓前
李花落時有東風
來吹上闌干角

秋夜夢歸邗江
并得句云花奴載菊自江鄉
憶先文達

公撫浙時每至秋晚
必命花奴自維揚載菊一舟藉

博家鄉風景繪有秋江載菊圖
故夢中云云因足成

之

家園回首費思量城郭依依認綠楊琴客絃詩宜水調花奴
載菊自江鄉柴桑粉本秋容澹瓜步鐘聲驛路長夢醒不知
窗月皎白雲何處倍神傷

春日感懷

獨有思親淚逢春灑更多兩年經別久千里奈愁何畫閣遲
遲日珠湖渺渺波歸期休復問一歲一蹉跎

甲寅三月余以事過西興舟泊北岸有老樹一株參天
百尺榜人以繩度之圍約四丈許其腹空成小室殆
千百年物也賦此以誌奇觀

參天黛色接蒼茫尋丈難教握帶量終古風雲通際會神仙
窟宅露行藏漫勞賦筆吟枯樹何止奇材識豫章閱盡滄桑
塵外劫幾回柯葉改青黃

春望

高樓眺平楚江樹何沈沈茅屋互鱗比煙靄一以深青驄識
歸路黃鸝弄好音竭來寫懷抱舉目悲登臨蘅蕪渺天末桃
李亂雲潯韶華易逝羽奄忽不可尋俯仰感今昔悠悠千古
心回首妝臺畔花落胷瑤琴

孫佩蘭

字譜香錢塘人戶部侍郎孫詒經女

孫詒經序畧姊性聰慧能得堂上歡鍼黹之餘尤好吟
詠年二十歸胡陸言茂才相夫讀書親操井臼咸豐庚
申寇陷杭州陸言死之姊懼辱投河遇救得蘇
苦志撫孤卒底成立卒後同鄉諸君子呈請
旌表錫上襄復校刊其母

之少作以存手澤
孫詒紳序畧姊氏奉先大夫訓故工詩詩之所言無一
不本篤愛之性寫艱屯之苦是稿猶未嫁時作葵後詩
則皆思親痛夫訓子之淚洒楮墨間台人
不忍卒讀且以避地數遷散失無復存者

寄懷沈曉香弟婦

曉起看花小立時一重簾外雨如絲天公鑒我思君意催取
新裁第一詩

月夜寄懷子搢二弟

天街如水怯輕寒何處簫聲出畫闌憶弟天涯迢遞隔未知
曾否月同看

汪

筠字紉青號扶雲錢塘人青浦陸壽銘室著扶雲吟稿

人日偕問樵湘綠靜淵小韞分賦

碧天雲影散晴霞鏡裏初簪綵勝斜三疊琴聲邀夜月一番
春信到梅花詩傳古調吟新歲身在江南憶故家風定蘭堂
香篆裊玉壺買酒慶韶華

汪

份

字孟文錢塘人衡女仁和舉人陳善繼室

杭郡詩續輯孟文工書兼解制舉文字孝廉君恆館于外孟文以舉業課其子爲之口講指畫焉

重九登高

佳節試登臺憑虛氣壯哉雁聲風外急山色雨餘開空有凌雲想愁無作賦才黃花如解語相對一銜杯

送蕉石弟之湖北

卅年常聚首此別路三千江水渺無際征鴻飛遠天家貧悲作客學淺好師賢莫漫傷離索行行勉著鞭

馮紉蘭

字晚香仁和人諸生高澗室著稱素樓存藁

汪福庚曰晚香女史幼工詩與孫碧梧孫秀芬兩夫人為友得切磋之益學日進長歸高菡浦茂才孝姑嫜陸妯娌宗戚無間言焉

對雪偶成

忽看瑞雪降長空撲面難禁料峭風著意碾成銀世界無聲灑徧玉簾櫳銷殘竹葉千竿翠壓褪梅花一樹紅此日敲詩

驢背上有人吟過灞橋東

次日雪霽用前韻

天葩容易墜當空乍展旋教斂朔風苔徑凍開元鶴路竹樓
晴捲白雲龍山坳半露蒼松秀鴉背新添夕照紅愛聽簷端
冰箸滴恍疑琴韻度林東

周南卿

三變

秀才一角山房詩稿題詞

艱難塵世事慷慨一詩豪風雨生寒牖煙雲溢綵毫懷空懸
古月筆健壓秋濤絕似湘江上挑燈讀楚騷

盆蘭

空谷生佳種芬芳愜素襟弱如湘女態淡見古人心貯石藏
香久垂簾避蝶侵回頭看眾草遙隔白雲深

鄭蘭孫

字娛清錢塘人揚州府經歷仁
和徐鴻謨室著蓮因室詩詞集

俞樾傳畧孺人別字衛洲幼孤鞠於外家其外王父孫公博雅士也愛其慧教之讀六歲通四聲九歲能為小詩至十四五工書畫且善為唐宋人小令年十九歸同里徐君善事其姊徐攝揚州府經歷奉姑就養咸豐三年賊薄揚州徐君方奉檄乞援於淮孺人盡棄囊篋匿推

純廟

賜徐文穆公詩卷及其家乘與先代遺像扶姑孫挈子女奔如皋越二年孫率徐君方護理揚州府同知孺人獨治喪衣衾皆手自縫紉家貧自課其子作示兒詩四章徐君服闋之官九年賊再陷揚州徐君力戰受創傳聞已歿於陣孺人欲冒險往偵之權葬姑如皋城東封識如禮及舟次泰州知徐君未死躬視醫藥歷十月徐君始愈而孺人病至不起猶治家事勉兒誦讀如平時十一年夏五月也

和蘭齋夫人病中寄懷原韻時予亦臥疾

寂寞銀屏玉漏遲挑燈重讀故人詩重簾細雨和愁織一枕新涼有夢知落葉西風欺瘦骨殘蟬倦蝶惹相思雖然不是悲秋客可耐天涯慣別離

世態風雲莫問渠謀生計拙感何如嘔蛩宛轉青苔雨倦雁

飄零尺素書檢點參苓新病後辛勤刀尺早寒初勞人興味
無聊甚賸有詩魔未掃除

爲孔繡山表兄寫扇頭蝴蝶

露似珍珠草似茵眠香夢暖玉階春翩翩歸去尋芳嬾紅雪
一庭花雨新

題畫屏四首

雲衣縞袂淨無塵玉骨冰肌淡有神朱羽夜寒棲未穩月痕
清滟露華新

碧波如鏡映空明魚戲青萍自在行恰是清和好時節紫藤
花下晚風輕

輕紅淺碧兩三枝花影朦朧浸曲池添箇白鷗閒覓食看魚
石上立多時

調簧小鳥新音，
迴解舞柔枝，
翠帶長彷彿，
六橋風景好，
桃花紅豔柳絲黃。

鮑

靚字玉士錢塘人諸生爲霖女仁和諸生許光鑑室著見青閣詩詞稿

魏謙升傳畧玉士夫人歸許書臺茂才於事舅姑睦妯娌之外濡毫選韻門內怡愉平日喜讀杜詩氣蒼格老不辨爲閨中手筆書法逼近平原嫁不十年所天遵喪藐孤猶在襁褓屏棄筆墨撫孤成立行誼可傳

桐江道中作

維舟幾日桐江宿，
潮落波平江勢伏，
鄉心戀戀數回頭，
旅況寥寥都在目，
水急灘鳴深叵測，
瀧名七里今初識，
青空峭壁迥入雲，
怪石丹崖旋轉側，
崎嶇窈窕相向背，
令我幾欲忘南北，
峯多飛瀑奔不停，
轟然晝夜翻晴雪，
釣臺千古留遺迹，
星象徒勞分主客，
灘勢維高利澤行，
進少退多從側側，
晴沙夾岸遠雁鳴，
楓葉蘆花望無極，
孟冬節淺寒已深，
爲報平安慰。

天末

王

姮 字樞影號月函仁和人
顧虹橋室著繡餘吟稿

春日湖莊卽事

夢破遼西曙色微薄寒天氣綠陰肥春光不比人留滯說著

歸時竟自歸

黃

巽 字順之號蕉卿仁和人金華教諭超
女舉人梁紹王室箬聽月樓詩二卷

梁紹王曰亡室黃孺人年十九來歸醇謹恭儉族戚無
聞言少受外姑雷夫人教解吟詠喜讀元人詩故所作
多與之相近

湘湖采菱曲

吳江女兒采蓮花淩波綽約如朝霞越江女兒采菱角隔水
輕盈籠芍藥兒家生小湘湖邊只種秋菱不種蓮剖蓮蓮子
心中苦剝菱菱實心中甜湘湖一夜西風緊三五鴉鬢蕩雙

艇戲牽菱葉釣竿絲笑指菱花鏡匣影采菱菱角紅頰雙
 渦濃采菱菱角綠眉痕兩峯蹙菱根叢雜菱刺多纖纖素手
 臨清波鯉魚風起芙蓉外蟬鬢生寒可奈何春風采蓴蓴欲
 小秋風采菱菱漸老年年秋去又春來不及兒家顏色好采
 菱復采菱菱船四面來前汀湖水淨逾碧湖山瘦且青雙槳
 只在波中停菱歌罷後不知處卻向湖頭浣紗去

吳藻 字蘋香仁和人著香南雪北廬詩一卷

魏謙升花簾詞序畧會城之東水木明瑟於詞為宜往
 時厲焚榭徵君吳穀人祭酒先後居是地詞亦同出一
 源近吳嶺香女士亦居城東幼而好學長則肆力於詞
 居恆庄家事外手執一卷輿至輒吟緝商縈羽不失分
 寸嘗寫飲酒讀騷圖自製樂府名曰喬影吳中好事者
 被之管絃一時傳唱遂徧大江南北幾如有井水處必
 歌柳七詞矣猶記丙戌之春家侍御伯主講吳中命余
 隨侍小住滄浪亭畔坐客如潘榕皋農部吳三松侍御
 齊梅麓郎中陳雲伯明府皆數稱女士才不置時女士
 亦以事至吳因得盡讀所為花簾詞靈襟獨抱清光大

兩折簪汗賞綠 卷五十四 黃巽 吳藻 三

來不名一家

許淮祥曰女士工倚聲陳雲伯先生序云蘋香金粉仙
心煙霞逸品疏影暗香不足比其情也曉風殘月不足
方其怨也滴粉搓酥不足寫其纏絲也衰草微雲不足
宣其灑鬱也顧其豪宕尤近蘇辛女士自序香南雪北
詞云丁酉移家南湖古城野水地多梅花取梵夾語顏
其室曰香南雪北廬十年來憂患餘生人事有不可言
者引商刻羽吟事遂廢此後恐不更作因檢叢殘剩稿
恕而存焉即以居室之名之自今以往掃除文字潛
心奉道香山南雪山北飯依淨土幾生
修得到梅花乎觀此亦可以知其遇矣

和王丈仲瞿祭西楚霸王墓

玉玦難憑事業休
喑鳴叱咤竟無謀
中原逐鹿移秦地
歧路亡羊泣楚囚
青史但援成敗例
白雲長作古今秋
龍門可繼麟經筆
全漢須仍本紀修

垓下軍聲帳下歌
騅兮不逝奈時何
美人報主名先得
功狗邀封悔已多
兒女英雄同此淚
烏江碧水為誰波
穀城抔土

真傲幸靈爽千秋總不磨

馮彩珍 仁和

孫樞曰馮氏父游粵為人司書記歿後貧不能歸氏幼精女紅善繪事家數口賴以存活尤解音律性耽吟詠以所適非人綠衣與怨鬱鬱以終

自傷

疏雨逼窗涼秋鐙夜漏長狂歌聊當哭多病厭熏香短髮悲

臨鏡羞顏嬾下堂非關郎薄倖妾自儉梳妝

張桂芬

字吟秋仁和人陝西中部知縣高偉曾母簪風清香古軒詩鈔

沈銓序畧高雋生同年博學能詩序述家世知其詩致得力於慈訓者為多讀是集古今體詩佩實銜華格律蒼老家塾課兒試帖詩亦音韻和協純任自然誠閨閣中之詩伯也

盆花

種向名資倚綺櫳膽瓶拳石賞心同託根莫笑生涯窄也在

三春雨露中

秋日園亭

新秋天氣半陰晴如水亭臺景正清樹為經風黃葉落竹因
搖雨綠煙輕娉婷寒蝶穿籬瘦寂寞幽蟲繞砌鳴待到重陽
開菊徑好將詩句誦淵明

陸漱芳

仁和人山東沂州知府
菽女著自怡軒稿

家傳畧漱芳侍父宦沂州以字同官在公子未幾在病
歿守貞事親以孝聞閒以吟咏自適與嫂氏趙鏡仙相
唱和卒年七十餘

題管夫人畫竹

文采風流絕妙詞一雙靜好結相知何緣灑盡湘妃淚不畫
完枝畫折枝

王玉芬

字華芸婺源人兩淮鹽運使鳳生女南河
同知仁和嚴遜繼室著江聲帆影閣詩稿

嚴辰曰外王父鄧轉公得舅氏晚從母華芸恭人朝代
子職志貞不字繼母疾嘗剖股療之比得舅氏且長始
歸子高丈逮事舅姑如事父母相夫教子內政脩舉夙
耽吟咏讀思親諸作純從至性中流出足使人增天倫
之重也

春郊晚眺

陌頭緩緩著歸鞭山外蒼然起暮煙
襯取斜陽好顏色桃花

林閒菜花田

寒鴉

一樹鴉如墨漫天雪似銀輸他生耐冷
不比鳥鳴春

丁亥正月弟生志喜

頻年菽水強承歡長念親衰淚暗彈
喜劇嘯聲試雛鳳從今

慈竹總平安

戊子春暮隨侍南歸留別安昌道署

兩浙輶軒續錄

卷五十四

王玉芬 沈允慎

七

八上川

三年辛苦種名花
游宦由來便當家
惆悵輕裝歸白下
春風相憶各天涯

思親

官閣沈沈夜漏遲
白頭親遠最縈思
憑闌爲語庭前竹
待報平安入夢知

沈允慎

字湘濤號仲致仁和人江蘇侯補

鍾駿聲曰仲致少孤無兄弟奉母盡孝學詩於季父文忠公著詩四卷別有寫香樓詞稿其斷句如秋砧云涼風野店征魂斷淡月鉞樓綺夢驚秋笛云楊柳曲中人寫恨梅花香裏我知音游獅子林云繁華閱盡幾滄桑野花吹落東風香小橋曲折水流碧魂驚隔柳明斜陽不圖巾幗中有此清遠之作

秋夜不寐

斜月半簾孤空階
墜碧梧室虛人自寐
宵永夢偏無香燼
玉鑪冷燭凝紅淚
枯漏沈天欲曙
兀坐聽嘖烏

題梅泉弔影圖

智枯石爛苔斑紫中有貞魂繞寒水澄波鑒月清且冷深深
瘞玉同銀瓶紅羊劫後滄桑變寶鏡塵封拋翠鈿梅花香冷
夢徘徊美人林下來未來

巢居閣

晴雲面面壓山青檻外春波畫舫經放鶴無人梅自落朗吟
輪與翠禽聽

花底吟懷未肯降暗香風襲四邊窗夕陽亭畔閒憑眺影落
湖心鷺一雙

高學歐

字荻傳仁和人內閣中書鳳臺女箸亭茗閣詩草

許淮祥曰荻傳女史為越堉年文季女聰慧工詩天性
純篤矢志不嫁以事父母佐母理家事井井有條年二

十二

團扇詞

手中白團扇爭及明月圓明月秋正好團扇已棄捐

次韻茶仲兄白牡丹

不覺幽情已信芳
渾忘富貴滿華堂
從知此外皆紅紫
未許人閒有色香
世少清才供玉署
天留素女作花王
瑤臺月下重相見
一抹疎煙印淡黃

陳

泰

字紅泉海甯人鳳煒女兄
鍾玉珪室箸秋葉閣贖草

許濂祥曰吾鄉紅泉女史姊妹並工詩紅泉稱未亡後
遂不多作妹名貞淑題紅泉遺稿集句云虹橋煙水思
迷離猶憶當年絕妙辭手展遺箋聽
秋雨不堪腸斷夜鐘時亦淒婉可誦

苦雨

離愁黯黯坐無聊
苦雨瀟疎更寂寥
芳草和煙緣岸長
落花如絮向簾飄
雲迷野徑漁舟散
鏡暗書窗客夢遙
最是五更

聲滴瀝耐他叢竹與芭蕉

朱淑均

字蓮卿海甯人
諸生查冬榮室

此夕

蕉窗秋似水小坐夜眠遲
曲院花雙影新涼月一眉
畫餘聊滌硯繡罷偶吟詩
此夕愁多少階前落葉知

朱淑儀

字菊卿海甯人
查有炳室

一簾

絮雨一簾收濃陰翠欲流
推窗看春色楊柳織成愁

娑羅花

吹得瓊雲下大羅靈禽仙
蝶肯來過早空色相生香
少畧似優曇得氣多
攀桂月中分異種談禪花
下聽清歌岑參古句
今寥落岑嘉州優鉢羅花歌
序有異香騰風之句
寫影爭看粉本摩時定之女史
為花寫照

兩浙輶軒續錄 卷五十四

朱淑均 朱淑儀 陸豐 許蘭若

九

又

陸

豐 字少坪 江蘇吳縣人 江蘇

許 濶 祥 曰 查 母 有 淑 行 事 父 事 舅 姑 均 以 孝 稱 辛 酉 之 難 家 中 落 時 典 嫁 衣 供 堂 上 甘 旨 自 有 句 云 扶 杖 但 知 娛 白 髮 傾 囊 何 必 論 黃 金 蓋 紀 實 也

落花

歌殘金縷惜芳年 轉瞬韶光不似前 簾外海棠多繫恨 陌頭楊柳尚含煙 彩雲身世參真諦 流水文章悟幻緣 記得春風誇及第 上林曾染露華鮮

許蘭若

海甯人 諸生 瓊女

許 濶 祥 曰 族 姑 好 吟 詠 既 歸 楊 嫺 禮 法 夫 客 死 無 昆 弟 請 於 舅 姑 獨 身 請 死 所 扶 榷 歸 先 是 夫 原 聘 陳 氏 女 女 母 老 無 依 乃 昇 女 匱 與 夫 台 窆 又 迎 女 母 至 家 事 之 如 所 生 人 尤 賢 之 苦 節 三 十 五 年 卒 子 品 雅 廩 生

牡丹

天然濃豔不須妝 國色從來冠眾芳 花本無心誇富貴 笑他

蜂蝶一春忙

鄒錦字雲裳海甯人
著織吟樓詩稿

柳枝詞

春來湖畔裊柔條倦倚東風舞
瘦腰寄語行人莫攀折好留
眉樣待儂描

許蕃字翠某海甯人
女著喜春樓詩鈔

許莊祥曰翠某余之從姊也幼慧工詩善畫蘭字同里
諸生沈有林未嫁年十七卒遺詩一卷兵後散佚按故
篋得此絕句蓋先府君
官吳郡時姊來遊所作

虎邱

無邊花氣盪層波萬點紅
鐙載酒過畫舫珠簾齊捲起不知

誰占月明多

朱烈婦海甯人
諸生周靖遠室

海昌備志氏以烈殉

夫詩附見拙齋集

許淮祥曰靖遠歿氏絕粒十餘日不死諸母強之食乃
日以待夫葬作哀詞以見志葬後別老親仍絕粒以殉

哀詞

身雖未死心先逝無奈偷生未葬時血淚千行誰得拭夢魂

先遣報君知

徐玉如 號蘭素江蘇崑山人吏部尚書乾學女元

遠香詩話玉如歸蓼園明府後每以不及奉養舅姑為憾嘗云婦道守孝今我來君家所得盡心者惟虛祭耳

明府為泣下

春日讀紅鶴山莊詩集

大樹家聲其一門鶴莊詩思劇清新曾經兩度章江泊恨未

天台訪玉真

儒雅風流是我師傳來吟卷惹相思當今多少騷壇客輸與

山陰女史詩

沈玉筠

號淨香嘉興人諸生愛蓮文兄秀水陶鎮室

曉綠草堂筆記女史性慧善病藥鑪茗碗圖史叢雜與弟婦壽芝女史唱和極多

春日憶玩芳樓梅花書寄壽芝

鐵虬一樹記手植自我不見今三年竹香苔淨想無恙幽吟

伴爾排春妍春風浩蕩歸夢闊對花食言生媿色丙戌春日于贈壽芝

有年年花日準歸期之句何當攜手臨綺窗同寫閒愁試新墨

陳受之

號壽芝嘉興人基女諸生沈愛蓮室善翫芳樓贖稿

李富孫曰孺人嘗手寫唐賢詩數冊尋繹吟諷遂深見解為小詩不事雕飾而婉麗可風

寄淨香

春事忽已莫迢迢蘭訊疏憐君同臥病懷抱向誰攄養性應拋繡多愁嬾寄書落花風漸緊望遠意何如

朱

瑩

字子瓊嘉興人廣東學政階吉文
解元張慶榮室著蘭心閣詩稿

唐聚慶墓誌甄君舅眉壽老人命賦

嘉禾舊刻稀精舍古甄富聚君誌忽來大和璧添又籍記焉
翊遷性惟雅詩舊書者闕不傳鄉名更難究稽文畧不詳察
書拙且陋是惟信可傳要悟樸而壽煦煦蠟華滋斑斑苔紋
繡緬想散土團時付幽泉守詎知文字光不脛趨趨走雲薄
紙膚融霞輕墨痕透新酒釀初醲梅花香已逗寶此古歡心
銷茲歲晚候題什篇自鴻賡韻險敢闕供我破硯磨笑彼僧
甌覆

金淑芸

秀水人溫州教授衍
宗女歸安董開榮室

綠梅次韻二首

冰姿珍重慣蓬門可待移栽翡翠盆空谷牽蘿餘玉骨終朝

采綠想詩魂瓊枝自鬱青霞氣香海微攬遠水痕擬把碧紗
籠護取橫斜清影對晨昏

疎籬斜掩水邊門吟賞誰傾老瓦盆青眼逢君應索笑綠衣
思古定消魂鏡中分染煙鬟影袖底疑留紺吐痕何處玉龍
哀怨起莫教吹落月黃昏

周之鏜

字研芬嘉善人江蘇無錫知縣丁廷鸞室著微雲室詩稿

孫福慶跋畧女史幼好詞翰兼精繪事有掃眉才子之稱後歸丁紫巢大令唱隨相得咸目為神仙中人風格在中晚唐之間綺窗繡戶中亦可云未易才矣

秋日漫興

越羅輕袷未裝絛坐傍蕉窗欲雨天藥裏有靈何礙病華胥
無夢不求仙每因易感秋多瘦苦為耽吟夜損眠欲展騷經
弔湘客博山先熱水沈煙

春日偶成

隔院伊誰落子聲
午風傳到響丁丁
儂家久學安心法
怕觸爭機又不平

疎簾花影上階時
病怯餘寒起每遲
一縷藥煙青不定
因風吹過海棠枝

陳葆貞

字純卿號靜宜嘉善人
世鈐女山西解州

州判桐鄉陸憲會繼室
著綺餘書室詩稿
桐鄉縣志葆貞能詩工書
性至孝世鈐病侍奉不解帶
母病劇禱天請代及適陸
撫前室子女如己出能得舅
姑歡戚黨皆稱其賢子芝
祥寄籍廣東番禺入翰林

秋夜對月有懷外子

孤月上林端
秋光滿畫闌
遙憐今夜客
不向故山看
虛幌誰同倚
征衫淚未乾
男兒四方志
休便歎飢寒
豈有封侯願
空教別故鄉
料應思骨肉
誰與話溫涼
懷滅三

年刺人添兩鬢霜上堂親已老何日理歸航

聞粵中有警寄外

落拓江湖客行藏不自由那堪羈旅日重抱亂離憂處賤無
奇策依人豈善謀歸期應早定江上理扁舟
百越愁回首高堂有老親頻年無信息此日又烽塵長是傷
離別何由共苦辛願隨飛雁去重作嶺南人

朱美英

字蕊生海鹽人翰林院修撰昌頤
女弟錢塘蔣勤施室著倚雲樓稿

吳椿序畧女史幼嫻家學長稟
師承詩亦清華朗潤卓然名家

瓶中紅梅

香風隔牆來暗逗春消息嫣然吐新苞可望不可即初疑絳
闕仙緋衣盛容飾又如深閨女頰顏慮人識小折供瓷瓶位
置芸窗北脈脈竟無言幽貞示閩則曉妝鏡奩開助我凝脂

色豔質憎人誇遙情只詩憶夕陽照疎枝此景摹難得一幅
寫紅綃詎假徐熙墨

別歲

小時在學堂每恨年來遲彈指十六載電影如相追況我同
懷人索居天一涯家鄉會已少

謂山彥山
祝兩况

京邑歸何時

謂朵
山屏

山兩

長安盛年少翩翩輕與肥功名各努力老大前人悲餞

子一杯酒轉盼行將辭但祝高堂壽鬢髮無稍衰

朱

璵 字小蘆海鹽人內閣學士方增女內閣
中書曲阜孔憲彝室著小蓮花室稿

自題花裏寫詩圖

自愛新辭寫錦箋敢誇風致比花妍年年學隸耽清興最憶

晴窗放小蓮

余有小蓮花
室學隸圖

和芙蓉女史絕命詞

有序

女史不知何許人隨宦都中許字故里未嫁而孀其
兄期雲送歸婿家投繯以殉裕褌店壁題絕命詞云
四千里路還家日廿一華年絕命時入戶羞稱新媳
婦慙梁誰惜女孩兒身如秋燕都成客死到春蠶尙
有絲多少行人應墮淚讀儂題壁數行詩清風店壁
亦有與其兄唱和之作粵西龍翰臣孝廉錄稿徵和
云

從容歸妹當斯日宛轉隨兄憶昔時到死方知真烈女此生
直可愧男兒魂遊琳室身如玉命付羅巾淚似絲海內詞壇
傳咏徧清風更覓手題詩

周貞女詩

有序

貞女海甯周氏女許字丹徒楊貞一未嫁而貞一歿

貞女夢楊氏以儷幣來迎正貞一死日也貞女矢志
不嫁遂纒經來歸凡事祖翁翁姑撫嗣子二十八年
如一日道光壬寅以疾卒貞一之叔楊君懷序其事
徵詩焉

紫微山下水懷清嘉木風淒重女貞世上冰霜堪入抱夢中
儷幣竟來迎千秋彤史高名簪卅載寒幃苦志成守義從容
完大節哀歌何必效陶嬰

題畢少英文史百蝶圖

海棠紅亞雕闌曲柳綫初長垂嫩綠曉起蘭窗試采毫脂痕
豔奪花臺馥生香活色阿誰如初做滕王第一圖百草濃時
飛款款百花深處舞蘼蘼沈酣香夢紫香國雙宿雙飛迷五
色韓憑魄化幻難成謝逸才多吟不得畫史流傳鑒賞真擅

名綺閣蚤殊倫畫史彙傳閩秀中吾家妙繪傳遺澤太高祖姑葉太

夫人工畫又見丹青繼起人

李王字佩青海鹽人貢生三才女諸生朱挺之室

許淮祥曰佩青女史能詩工繪嘗見所作禽魚花草皆有生趣

由武原至梅里

沿塘兩岸徧桑麻畫舫朝移日又斜望見斷橋心便喜急收

帆腳到儂家

樓秋晚字佩馨海鹽諸生朱挺之妻旌表節孝著蘭韻詩稿

家傳畧秋晚年十七歸挺之時嫡李蓮危疾冀生子見之喜曰是足以襄中饋矣未幾嫡卒秋晚哀毀盡禮挺之疾衣不解帶者數月彌留之際封股和藥以送卒不起絕而復蘇者再時以有身慰之乃勉進饘粥後舉遺腹孖錡督課成立猶及見其為諸生焉

中秋前五日盆中紅梅放一花

飛丹一粒下蓬萊化作梅花八月開應是嫦娥苦岑寂預邀

春色到瑤臺

胡繡珍

字寵仙海鹽諸生朱埏之妾
旌表節孝著寒香室存稿

家傳畧龍仙姪七閏月猝喪所天旋生
子復鵬乃與樓共撫一子茹苦終身

秋景

高山疊疊水蒼蒼搔首平臺對夕陽楓葉紅牆明遠寺疎林

畫景寫倪黃

朱淑娟

字沁芳海鹽諸生文
煌女增生張嘉球室

許仁杰曰沁芳幼稟母教勤文紅
工吟咏以楮墨非婦人事不多作

守歲懷親

父別三千里兒懷十二時今宵是除夕兩地倍相思

初夏即景

綠溪久雨水頻添紫燕將雛語畫檐怕見楊花飛作絮故呼
小婢早垂簾

花蕊夫人

名稱花蕊賽花姿故主恩深枉賦詩若使當時輕一死夫人

千載勝男兒

周

蓉字靜居平湖人楊懋驥室

題牡丹畫扇寄外

金錢不惜買胭脂濃染霜毫畫折枝一握輕紈憑寄與遨頭
應及賞花時

錢蘅生

字佩芬號杜香平湖人翰林院侍講張金鑄室著梅花閣遺詩

許淮祥曰宜人幼受庭訓讀古唐詩數百首歸侍講迺以詩相唱和侍講嘗繪竹窗留月夜評詩意為圖道光癸卯侍講之官京師宜人侍姑沈太夫人於家越丙午夏以疾卒侍講躬厚堂集中夢鴛詞一卷為悼傷作也

宜人又工繪事侍講嘗繪秋臆論畫圖以紀事

寄梨花里吉卿二姊

春雨絲絲潤小庭梅花初放柳含清嫩寒天氣添衣否一度

相思午夢醒

盈盈一水悵離羣幾日東風別緒紛斜揭繡簾鸚鵡語暫拋

鍼帶為思君

題自畫芍藥

柔紅淺綠逞嬌姿小女妝成鬪入時雙笑春風雙醉露未應

名字喚將離

張

鳳

字含珍平湖人誠女諸生

高蘭曾傳畧室人來予家三十年性貞靜不苟言笑少就外傳能讀尚書毛詩小戴禮及離騷列女傳六朝人小賦長尤嗜詩家事餘閒即取漢魏唐宋古今諸體與兒女輩相攷論子兩女畧知拈韻室人教也性復愛花

病劇時有饋以花者必

張湘在撰墓誌妹年十七歸芝亭芝亭性剛而妹順受

之家以多事中落而妹無感容疾病為余言曰我次子

非我出他日析產妹婿或謂我厚薄其

間兄必止之以成妹志可謂明大義矣

錢福昌序畧含珍女史才德兼備事舅姑以敬處妯娌

以和事夫子以順撫子女以慈暇日拈題分韻陶寫性

情尤得三百篇之旨

和夫子游理安寺

泉石絕塵俗山林引興長千章雲木秀一幅畫圖張人語隔

前嶺鴉飛背夕陽登臨無限意勝景共徜徉

秋日憶別駕弟興化

同懷惟我爾念爾遠馳驅路隔三千里心懸十二時雲山增

別緒風雨起相思卻憶孩提日肩隨不暫離

別離猶似昨兒女各成行尺素經年隔黃花幾度芳家鄉

菜熟海國荔枝香不及天邊雁秋風共一方

擬韋蘇州東郊

攜伴散幽襟曠望郊原古好風何處來送我過前浦春色滿
芳洲悠然坐林塢遠寺度疏鐘微茫隔煙雨桃李半飛花松
篁自成伍此中無俗塵閒看雲吞吐

吳

芬字西書石門人陝西甯陝同知曾貫女
德清諸生沈鵬飛室著儀惠閣遺稿

鶯脰湖

春煙漠漠水迢迢萬點楊花送客橈忽地峭帆風裏落扁舟
穿過畫眉橋

荆籬茅舍釣人居門外桃紅帶雨餘昨夜一湖新漲起幾家
村落賣銀魚

吳

芳

字菜塘石門人曾貫次女同里
諸生胡斯煌室著看山樓詩草

冬夜偕姊對飲有感

人情反覆似波瀾碌碌於今歲又闌杯酒相逢須盡醉一生知有幾團樂

世事悠悠那有期相看雙鬢已成絲閒窗一枕南華夢開遍梅花總不知

春望

愁來聊縱目病久惜年華一鳥望中沒片帆林外斜浮雲杳無際芳草遍天涯遙想東園樹春來應作花

立秋

葉落梧桐報早秋金風初到暑旋收五更疏雨醒殘夢一味新涼上枕頭

一片古時雪，千秋壯士心。摩挲無限意，長嘯發狂吟。

陸費湘于

字季齋，桐鄉人。禮部侍郎墀。女孫雲騎尉趙貞復繼室。

陶潛宣曰：墀字丹叔，乾隆丙戌傳臚。以詩名。季齋詩有祖風，妹思溫，字玉如，為沈福榮室。嫁未半年而寡，旋以病卒。有詠白牡丹詩，見稱於時。曰：魏紫姚黃各擅名，那知別有貌傾城。拂來畫檻風偏冷，看到瑤臺月倍明。本陽文章原潔淨，天然富貴不驕盈。洛色佳種誰能比，相對襟期與我清。

次兒宗侃北上作此示之

松柏生深山，芝蘭在空谷。不遇人採拾，即同凡草木。男兒苟有志，豈甘老茅屋。貧賤人所憎，富貴人所欲。立身宜及早，老大傷時促。四海原為家，何必戀邦族。文章可療貧，藉以謀寸祿。挾策且遨遊，逞汝平生學。遊子將遠行，阿母愁萬斛。連宵不成寐，事事縈心曲。南鄰貨疋布，為兒裁衣服。鐙前密密縫，漏盡再添燭。北鄰乞斗米，為兒具飢粥。雖難作饑糧，且飽兒

飢腹細細理行囊一一檢書籠一肩輕且便祇願行程速去
去嗟道遠山重水更複不爲飢寒驅胡遽離骨肉旣憐年尙
少復愁行路獨世故須閱歷人情多反復舉足如履冰守身
如執玉謙和人所欽狂妄自招辱尙宜讀詩書切弗嗜糟麴
阿母難細言兒當自勉勸到京語阿父阿母雙鬢禿不愁久
別離愁無隔宿蓄阿兄無所事日取破書讀阿嫂性溫良家
室稱雍睦阿妹如嫂長亦知慕賢淑阿恩初學步嶄然見頭
角丁甯復丁甯相向吞聲哭兒身千里行母心千里逐蚤寄
萬金書慰我倚闥目

歲暮遣懷

風雪促歸鴉城頭起暮笳驚心聞爆竹幽意卜鐙花貧極身
偏懶愁多鬢已華連宵渾不寐怕有夢還家

王瑤芬

字雲藍婺源人兩淮鹽運使鳳生女雲南

桐鄉縣志瑤芬子歸時嚴氏富甲一鄉夫人逮事姑蔡太淑人乘閒言保家之道惟在積善厥具中構有前哲格言呈之堂上勸行育嬰恤養及施藥施棺施絲衣諸善舉從此鄉里號嚴氏為善門晚年歸里又以千金助

振奉 旨建樂善好施坊於門

柞溪舟中遇雨

柞溪溪水碧於油蘆荻蕭蕭欲晚秋一幅健帆懸急雨半篙

新浪狎閒鷗雲低野店漁歸市煙鎖官橋客繫舟屈指離家

行更遠篷窗風景倍添愁余自七月省親武林九月即反戌上

辛卯仲春將隨夫子之官滇南適家大人自金陵來烏

戌賦呈四律並寄天涯諸姊妹以當面談

無邊煙景鬪芳菲贈到將離百計非一曲驪歌催月落三春

蝶夢逐雲飛前程先問桐君宅歸思應縈燕子磯漫道移家

圖可繪故鄉回首倍依依

彈指光陰似水流
那堪往事憶從頭
羹湯差喜姑心慰
蘭芷終慚婦職修
十載恩勤成昔夢
百端情緒種新愁
封侯縱說男兒志
不奈東西各宦遊

江天迴望白雲深
帆腳風分未易尋
遠別更增多病慮
將行先繫盼歸心
烏猶反哺存虛願
鶯乍將雛空好音
尙喜承歡餘弱弟
臨歧差免淚盈襟

本是同根姊妹花
卽今分植各天涯
雲迷雁嶺傳書杳
日落龍江望眼賒
賸有閒情慵展鏡
可無後約擬搏沙
春風開遍雙紅豆
欲寄相思萬里遐

沅江舟次思家有感口占二絕寄呈家大人

回首家鄉不計程
思親清夜夢難成
青山綠水如圖畫
難寫

離人萬種情

江上征帆賦遠遊懷人情緒但工愁家書欲寄先垂淚合付
迴潮日夜流

得永郡捷音喜寄大兒四絕句 錄二

歷盡艱危志竟成更須努力策前程從今欲盡親民職莫受
尋常俗吏名

多少離愁鬱不開那堪避債更無臺題書不用當歸寄願爾
移忠作孝來

陸瑪華 桐鄉人會稽訓導元尊女諸生嚴銓聘室著裁香室詩草

陸定圃曰長妹瑪華貞靜而慧八歲讀詩經唐詩俱成
誦十歲學為詩出筆韶秀伯父多石公見之曰此吾家
女學士也性不喜華飾屏棄粉黛有諷以屏年
非所宜者則曰自有木來面目安用俗豔為
漫興和定圃兄韻

佳境可行樂莫愁
生有涯杯邀千古
月庭種四時花
山色當門近
泉流繞屋斜
揮毫成一
笑得句漫籠紗

舟中卽事

春光已滿畫橋西
野岸周遭望欲迷
流水聲中孤棹遠
夕陽影裏遠山低
沿堤柳葉藏鶯語
夾路花香襯馬蹏
載酒歸來天正晚
一鉤新月挂前溪

偶作

一桁花枝壓畫簷
小窗日影上書籤
恐妨梁燕歸巢路
滿院東風不下簾

過蠡澤

橋邊煙影淡無痕
橋外春波綠到門
十里東風吹不盡
桃花開遍夕陽村

朱曰貞

桐鄉人程紹榮室
著石麟軒詩草

辛丑春日送夫子之武林

遲遲畫影下迴廊
點點楊花撲草堂
鳥外青山橫暮翠
鐙前綠酒照殘妝
也知春色無多駐
翻遣征人話別忙
此去西泠畫橋畔
客愁休譜倦尋芳

孔素瑛

字玉田號蘭齋桐鄉人毓楷女
嘉定金尚東室著飛霞閣集

楊九娘廟

楊溪九曲水波平
古廟常留孝女名
今日楛棹聲不斷
花蚊無迹柳風清

自題畫落花胡蝶便面

春去春來花自惜
花開花落蝶應知
年年綠到王孫草
正是花殘蝶老時

吳學珠

字罕珍烏程人諸生謙女諸生張萱室著飲香樓小稿

采蘋曲

采蘋汀之隈江南渺何處日暮愁人心涼波淡無語

消夏雜詠

添得冰甌水幾杯沈浮瓜李淨無埃閨中但解清炎暑敢學南皮韻事來

玉鉤蕩漾畫簾垂正是曦輪卓午時人語不聞深院靜花陰遞到一聲棋

徐靜安

字花蘊烏程人江西廣昌知縣泗女海甯俞儼室著花蘊詩集

雨中泊采石磯欲登太白樓不果

暮雨蕭蕭惹客愁空思憑弔一登樓吟魂千古呼難起月影三人恨不留才大翻能因酒見詩成那敢向公投今朝定被

先生笑秉燭無能作夜遊

汪韞玉

字蘭雪安徽休甯人歸安詩生金湖室著聽月樓遺草

汪滄原傳略蘭雪性耽吟咏雅不喜香奩體吮墨含毫字字俱從靈府中流出然不輕出片紙以誇耀于人嘗賦春晝詩云多愁怕見東風面一任花飛不卷簾其風致可見矣適金石川早寡

過凝香閣看菊

百卉向秋凋爾獨經霜媚造物本無私特為高人置當軒闢
小徑冷豔襲煙翠瘦立淡無言臨風想高寄主人愛客來羨
茗助幽致香氣日夕佳徘徊得真意遐哉彭澤翁風流此可
繼何庸酌甘泉餐英已先醉

送外之蘭陵

綠徧郊原草正肥垂楊千縷思依依已憐春去客兼去那更
帆飛花又飛玉笛尋常吹落月疎林容易下斜暉勸君別後

休吟苦白雪天涯和者稀

孫佩芬

字晚秋歸安人諸生嚴轅室著季紅花館偶吟

府志佩芬貞靜能詩與夫多酬倡為夫置妾贈句云
可容檢藥憐多病好倩添香伴苦吟為一時佳話

舟過龍溪

歸帆直過北溪東且趁溪頭落照紅正是清明好時節飭簫

一路酒旗風

雲巢題壁

空翠潑如水門前多古松早涼生薄袂細語出疏鐘夢想丹

初熟書真墨未濃何人騎鶴背一為紀游蹤

談印蓮

字步生歸安人學庭女印梅姊平洛趙某室著花中君子遺草

靈芬館詩話印蓮印梅姊妹同學於孫秋士憲儀妹才
尤勝每有吟詠騷壇名宿為之斂手嘗題姚讀卿雨窗
懷舊圖詩云比似微之與牧之前塵影事費尋思風風
雨雨江南路紅豆花開又滿枝俞鴻漸見其詩歎為吾

兩浙輶軒續錄

卷五十四

孫佩芬

談印蓮

三

八上

郡閨秀之冠秋士哀其姊
妹兩詩集爲花韻聯吟

蓼花

蘆絮白無際蓼花紅更稠
清香依蠓斲疎影上漁舟
搖落江湖夢蒼茫水國秋
煙波三十里何處又汀洲

春草和韻

草色平鋪地幾弓天街綠
又染東風春生南浦傷心
後詩在西堂舊夢中一路
斜陽牆角淡六朝遺恨畫
樓空王孫到底歸來未滿
眼蘼蕪欲惱公

庭梅未開詩以催之

水邊籬落雪全消晤對寒
枝歎寂寥頃刻江城吹玉
笛蹉跎心事又花朝江南
此去春將暮驛路何人寄
尙遙翠袖單寒眠未穩巡
簷誰遣度殘宵

幽居卽事

未忍蹉跎負妙年閒吟隨意亦成篇
詩題紅葉誰堪寄秋到青山瘦可憐
明月半簾消夜永白雲滿榻擁書眠
綠窗偷得餘功在暫屏塵氛作散仙

秋夜感賦

薄寒天氣半陰晴兀坐蕭齋百感生
有月好花疑寫照無風老樹暫吞聲
身因病久詩常廢心爲愁多夢易驚
燈影幢幢人悄悄中宵倚枕倍關情

上阮芸臺中丞

天與清才享盛名能兼三絕壓公卿
不將科第輕儒雅早有文章答

聖明卿月遙知千里共恩波
流徧九江清葵花開比瓊花盛

佇看朝朝捧日行

兩浙人才盡網羅爭言持節有陰何西湖屢見行旌至南國
惟聞韻事多名列儒林傳世久心如冬日照人和閨中會記
蒙清眼或恐虛聲采半訛

談印梅

字細卿歸安人學庭次女印蓮妹南河

吳纘序略細卿女史幼學詩於孫君秋士奇其才
教之編讀古人詩資其探討近益肆力於唐以來諸名
家專稿故其詩清
新宛轉饒有氣骨

哭印蓮姊

香閨雁影早離羣詎意中年手永分病裏有時還念我夢中
無夜不逢君零星語在都成淚狼藉香留欲化雲只為吟詩
腰太瘦九原莫再苦修文

雨窗夜坐

坐聽蕭蕭雨塵緣未易刪那堪當永夜悔未入深山木葉牆
頭脫閒雲谷口還渭城聽不得此地卽陽關

舟中瞻亡姊印蓮墓阻風不及展拜淒然成詠

曾記春風放棹遲扁舟同繫綠楊枝十年重到銷魂地一刻
難忘握手時泉下好脩班氏史花開又唱鮑家詩紙錢風裏
頻回首淚眼模糊散作絲

秋夜雜感

淡淡雲煙一霎過西風何處不微波從來兒女工愁易老去
英雄佞佛多宛轉丁香空結恨纏緜子夜又成歌小窗今夕
誠何夕秋雨聲中喚奈何

除夕

來朝忽漫歲華新街鼓萼萼起四鄰過眼韶光如逝水關心

花事又逢春吟詩未了詩中債善病還留病後身飲到屠蘇
愁轉劇五年前有白頭人

九疑仙館題壁

數椽茅屋綠陰遮萬卷圖書插架斜入夜雨聲干个竹當春
月影二分花但留詩在堪傳世何論吾生也有涯一樣紅塵
飛不到青綾障外卽仙家

飲馬長城窟圖

男兒意氣誇英豪身長九尺腰橫刀龍沙萬里出大漠風吹
草底翻波濤可憐局促轆下客半逐蒿萊其埋沒路傍有鬼
時挪揄黃金十萬空一擲將侯渥洼飲驩騶搖鞭遠作長城
遊白骨縱橫經戰壘黑河慘澹無行舟或憂猛虎或蒼兕行
人退怯奚奴愁馬頭寒冰堅於鐵馬背殘花墮如雪鄉心吹

入琵琶聲一樽獨對關山月松香初熟糟邱臺拍浮百斛金
陵開怒潮湧月月化水酒龍呼上青天來胡姬輕歌侑美酒
陰山敕勒爲公壽馬前看花錢十千馬後題詩墨一斗酒邊
露肝膽酒罷開笑口世事閱盛衰浮雲變蒼狗玉門關外春
風多聲聲聽唱折楊柳知公才調眞凌雲黃鶴翼絕鳧雁羣
出門大笑樂復樂今之醉尉古將軍

寄謝陳孝廉雲伯

認眞辛苦笑春蠶姊妹聯吟半未諳燕爲營巢初試舌鶯方
學語漫攜柑梅村集載黃皆令司理心傾紀阿男多少宮闈
名氏錄至今遺韻滿江南

麗句清詞合作鄰高談驚座讓陳遵掃眉世豈無才子合集
今應補婦人花月妝成龍鏡影湖山占盡虎林春他年本事

詩編後定比琳瑯十倍珍

近日論詩有正宗 娜嬛評定浙西東 豔稱秀水朱亭長 更數

錢塘厲太鴻 譜就金荃愁易起 織成錦字愧難工 香閨頗費

推敲力 悔落裁紅刻翠中

團扇新篇早擅場 金鍼度我刺鴛鴦 閉門喜叩陳無已 問字

慚添左蕙芳 開到心花真絕豔 結來智果有餘香 買絲欲繡

詩人像一例 黃金鑄子昂

張繡雲

歸安人游擊趙羣女諸生 唐晉襟室著女牀山稿

陶潛宣曰晉鏐字松雲能詩精醫曾參壯烈伯李長庚 幕府出洋擊賊故習海防繡雲工琴聞母訃一痛而卒

鶴子

夢來赤壁是耶非 黃口兒童便學飛 膝下胎仙和靖宅 眼前

雪皚老萊衣 鳳雛作伴聲相應 烏哺難酬願總違 欲上揚州

騎不得爲渠戀母尙依依

陳珍瑤

字月史歸安人泰女揚某室著賦燕樓吟草

湖州詩錄三編女史爲孝女陳珍瑤之姊節孝戴氏女也幼讀書史喜瀏覽載籍嘗取古名媛嘉言懿行手錄成帙以教其二女皆能

詩而女史詩名尤著許正綬序略道光辛卯予之湖學與陳君理庭補松友善知有姪女月史幼失怙以母教能詩天資聰穎至性真誠不爲習尚所移趨於聲氣後歸楊氏操理家政克盡婦道

育蠶詞

一鳩嗁徹夕陽斜女伴攜筐踏落花
笑指前溪垂柳畔綠雲深處是儂家

蠶房飼葉怕俄延回首窗前月影穿
忽聽隔牆喧笑語鄰家鐙火捉三眠

紅梅

可信朱顏獨耐寒料應換骨得靈丹窺人不是牆頭杏寄語

西鄰莫誤看

陳珍珊 字佩音歸安人泰次女增貢

湖州詩錄三編從伯母陳太孺人生有至性年十七嘗

封腎療母病越十六年疾復作再封如前事舅姑亦

旌孝女事詳志乘

圍棋口占
疏簾清簟淨無塵一局圍棋遣好春聊以消愁非賭勝笑他

局外不平人

稽景照 字良清江蘇無錫人文恭

公女曾孫歸安嚴元照室

梅花四首 錄一
翠幃深鎖已三更影射庭心分外明瘦骨每嫌霜露冷幾回

夢不到江城

吳亥生

歸安人四川簡州知州省斯女長興諸生錢江室著思順齋詩藁

七夕

月明如水夜如何繡幃併車冉冉過天意亦知離別苦不將風雨隔銀河

徐延照

字秋鑿號蕩香德清人諸生戴銘金室

題孫嫺卿夫人停琴佇月圖

冰蟾喚起晚涼天半榻蕉陰綠綺眠除卻素娥伴遙夜有誰妙悟七絃絃

張藹雲

長興人著枕峇樓詩鈔

小青墓

飄零春色滿天涯流水縈愁落日斜留得西冷一杯土冬青不種種桃花

月明無主夜烏啼妝閣重尋細草迷一種傷心誰記取斷雲
零雨六橋西

洪暉堂

字素芸勤人諸生張性安室著聽篁閣存草

陳勸傳略孺人葦航先生女也陳大令餘山需次里居常與先生以詩相劇切孺人幼明慧知書大令因授以詩法年十九配張明經家素貧由是疏觚翰勤婦職常得堂上歡平居端謹寡言笑課子女無姑息年四十一偶感疾卽屬治後事易衣盥洗端坐而逝大令爲剛所著序之孫德祖曰女史著有秋興百一吟七言截句一卷續秋興百一吟五言截句一卷命題無複者亦足備紅閨雅製一格也

月湖十洲用舒學士原韻

淺碧輕紅入望勻湖波倒影接城闌鶯藏密樹常留客燕啄
飛花慣趁人雪月有時天不夜笙歌到處物皆春一尊占盡
滄浪越小醉還應理釣綸

移花

鴉背鋤輕劖砌苔應時細雨熟黃梅呼童檢點花疏密留取
遙山一角來

奉懷陳漁珊先生

時游彭澤

日竚閒階對晚暉先生何事不言歸只聞故故禽嘯樹未見
登登客叩扉書幌涼垂風竹暝吟庭綠滿雨苔肥皖江傳道
多名勝莫換湖邊舊釣磯

佛手柑

顥顥新柑佛面黃曼陀纖手散天香拈花笑處滋甘露結印
圓時待曉霜十指玲瓏分法相雙拳合拱禮空王相依尙有
仙人掌佳品還應供北堂

秋陰

不關昏曉鎮蒼茫
釀雨催晴費較量
簾幕有情松竹暝
重重多護讀書堂

秋葉

深淺丹黃色不齊
夕陽回首隔林迷
吟心已似秋光淡
冑向殘紅葉上題

秋鷺

翹足平沙浴素波
往來祇是伴漁蓑
風標縱好無仙骨
明月蘆花可奈何

秋蝶

粉翅雙翻尙有情
芙蓉花下往來輕
尋芳不管西風冷
爲戀斜陽半晌晴

秋霽

疏雨催寒過溶溶散碧雲軒前復閒望一雁度斜曛

秋渡

遠岸天將暝歸樵待渡喧渡頭黃葉滿何路向前村

秋鬢

簾幙涼風透輕蟬試曉妝開匳語秋月莫遣點清霜

秋鴉

出樹飛偏早投巢去獨遲空林黃葉盡無奈曉霜時

竺

愚

字其不號叔卿鄞人陳生
慈女金華教諭王棻室

哭弟

早凋椿蔭恨終天母氏劬勞二十年苦志未旌貞節里傷心
空繫孝廉船扶牀有女將何怙執紼無兒更可憐自憾我生
偏不櫛留貽祖硯望誰傳

范

泗 字霞汀鄞人江蘇山陽知縣鐸女慈谿鄭純室

夜坐

兀坐惟孤影更深靜掩門風寒吹病骨月冷瘦詩魂舊事同
蕉鹿愁吟類楚猿故人千里夢寂寞與誰論

春閨

傷春已自減腰圍暗感雙蛾晝掩扉卻怪侍兒渾未解隔牆
又報落花飛

王

韓 字棟芬慈谿人馮汝傳室道光己亥舉人菁母著絳桂軒遺稿二卷

送兄之廣陵

柳色依依送遠行江南江北繫離情二分依舊揚州月可比
家鄉分外明

李

秀 會稽人

柳絮集按充東新嘉驛壁有題字云余生長會稽幼攻
書史年方及笄適于燕客嗟林下之風致事腹負之將
軍加以河東獅子日吼數聲今早薄言往訴蓬彼之怒
鞭箠亂下辱等奴婢余氣溢填胸幾不能起嗟乎余龍
中人耳死何足惜但恐委身草莽溷沒無聞故忍死須
臾候同類睡熟竊至後亭以淚和墨題詩於壁庶知音
讀之悲余生之不辰也

題壁詩

銀紅衫子半蒙塵一盞殘燈伴此身恰似梨花經雨後可憐
零落舊時春

萬種憂愁訴與誰對人強笑背人悲此詩莫把尋常看一句
詩成千淚垂

宗

桂字秋丹會稽人工科給事中稷辰

正始續集秋丹幼承家學歸史
早寡還居廣平貧甚吟詠不輟

對月

一片白如水清光萬里流漫懷今古事極目海天秋露溼月中樹笛吹雲際樓坐深渾不覺心與共悠悠

宗

梅

字古雪會稽人稷辰女弟侯選知州王慶麟室著六竹居詩草

正始續集古雪父霈字稼秋與大兒同舉進士循吏也其子女皆有才古雪尤孝父疾剖臂以進其詩多思親作天性然爾

春雨

卑溼重湖地連朝雨未停山涵千態綠水漲一痕青宿霧籠

沙岸浮煙幔遠汀小齋無箇事閒自試茶經

宗

慶

字韻卿會稽人稷辰第五女青田端木百祿繼室著古歡室詩稿

青田縣志慶通書史工文翰專姑盡孝夫歿課子顯祖遊庠

南田移居

栝蒼山在縉雲縣東七十里東跨仙居南控臨海嶺半有村曰南田

栝蒼舊隱一年餘為愛南田此卜居野徑鋤雲添小圃山泉

分溜入新渠衡門僻靜堪消夏空谷幽深自結廬數片桃花
春後水無端招得武陵漁

移家宛在白雲巔寫入吟圖逸似仙
斐几橫琴延月榭春風歸棹載花船
泉香最愛烹茶飲地僻偏宜選石眠
綠滿空庭經雨後階苔處處綴青錢

松門杉磴翠陰斜占住名山亦足誇
宿霧初開盤谷樹春風遙隔鏡湖花
田園冷落淵明宅池館幽閒小謝家
獨坐竹窗誰破寂聲聲唳鳥自相譁

何

京

字佩瑤蕭山人雲南巡撫焯女孫侯選同知施養正室著西河龕北詩集

陶潛宜曰宜人性聰穎父鍾愛之暇即於膝上口授毛詩七歲能吟咏後更涉獵唐宋人詩頗婉麗而多愁怨之音早卒

秋色

點染西風景色幽詩情畫意最宜秋白蘋洲畔閒垂釣黃葉
村中獨倚樓忽見征鴻排字遠也知寒螿抱花愁萸丹菊紫
皆堪賞可惜年光逝水流

程芙蓉

字芙蓉亭上虞人副貢徐虞復室著綠雲館吟草一卷

陶潛宣曰女史生長京邸歸寶舞明經始南旋寶舞
于詩深閨倡酬含工叶徵一時傳為韻事惜未久即
其詩質秀辭溫豪邁宕逸集中渡黃河渡揚子江金陵
懷古諸作一往雄駿格律謹嚴不圖於閨閣中得之

渡黃河

濁浪喧闐逼太空濤聲一震破鴻濛源探星宿來天上風捲
崑崙立水中雨灑征帆飛點白船來估舶颭旗紅八年治績
懷神禹襟帶江南孰與同

揚州

朱樓絳塔照斜曛畫舫香帆拂暮雲絃管新聲迷後主煙花

殘夢誤司勳紅妝豔夜搖銀鏡白袷臨風蹴綺紋廿四橋頭
明月冷清輝猶照阿麼墳

陳

潤字漱芳嵎人江蘇候補同知錢光鼎室著漱芳閣詩鈔

嵎詩鈔漱芳太常陳勳女河南温縣知縣錢世瑞豕婦洪逆之變隨温縣君殉難

欽旌

孝烈

聽歌

酒綠鐙紅夜景清一樽難盡別離情不堪風雨河梁夜重聽

伊涼水調聲

陳蘭君

字秋暉又字古香嵎人道光庚子舉人童瀚繼室著滴翠軒遺稿

殘夢

結想始成夢夢回鐙亦殘不知長別去猶作遠遊看歲月歸
期誤關山行路難一聲雞唱後魂逐曉風寒

孤雁

失羣天際雁飛度暮山橫遠望已千里哀鳴時一聲稻梁悲
舊侶煙水計歸程欲向寒塘宿孤棲意自驚

過旅店見壁間一絕云相隨阿母到天涯小雨廉纖暫
駐車匱鏡乍開癡婢笑卻言儂貌勝於花下署菱花
女史題不著里居姓氏予愛其詩次韻題後

隨親我亦徧天涯偶滯萍蹤一下車羨煞壁間題好句但開
匱鏡憶菱花

擬唐人宮詞

羯鼓聲停宴罷時海棠睡醒日遲遲鬢雲不整嬌無那又見
金盤進荔支

華清宮裏宴諸王玉笛吹殘夜未央一局手談贏不得侍兒

傳喚雪衣娘

呂

霜

字以墨臨海貞女

耐冷談臨海呂氏為宋忠穆公裔有一老女未婚而夫死家極貧誓不再受聘屋後有曠地二畝許闢為田自耕以食天旱提甕汲水以灌而穀實倍茂終日閉門織絹以佐不足機聲晝夜達戶外間能詩且工楷以扇浣其鄰索書錄近作二十八字款署呂霜鈴印以墨時年近五旬守貞幾三十載矣

絕句

一年社日多忘了忽見庭前燕子飛禽鳥也知勤作室銜泥

帶得落花歸

盧德儀

字儷蘭黃巖人舉人填女孫王維齡室著焦尾閣稿

張文虎傳略孺人幼穎慧通五經大義旁及文史年十四失母哀毀不食父彊食之亡何父病求醫久不效乃泣告天請以身代割左臂肉和藥以進病果愈稍長適王君事翁姑如事父母暇則伉儷以詩唱和為樂咸豐十一年全家避難邑之石密轉徙嫌皖地在萬山中兄弟每重跣踰嶺數十里負米返孺人先潔膳奉以次及

丁巳年

卷之二

呂霜盧德儀

詩

長幼已獨餐薯蕷或薄糜和麥屑充腹而已卒年四十六所作詩多散佚輯成一卷曰焦尾閣遺藁

陶潛宣曰濡人著書有乾坤

正氣集焦尾閣錄均佚

孫德祖曰余友弢夫王君彥威初名禹堂登同治庚午

鄉薦為人篤行而幼學每自言幼承母訓賢母廬太恭

人嘗有秋夜課廉兒讀詩絕句云良宵閒寂與詩宜清

課從頭莫告疲茅屋一椽鐙一點我家應有讀書兒弢

夫後官工部趙搆叔為寫秋鐙課詩圖一時名

流皆有題詠每出以見示未嘗不涕下沾臆也

即事

睡餘閒步曲闌邊長日遲遲似小年澹盡春煙春晝永碧桃

花底學參禪

秋夜

河漢無聲夜氣幽獨攜圓月上高樓寒衣處處催刀尺中有

人閒萬古愁

夏日

無事聊閒坐春光逗嫩陽鳥聲含雨潤蟬語引風長翠重渾
疑滴窗虛乍覺涼當年陶靖節曾此樂羲皇

寄大弟溫州

到今猶未賦還家時節恩恩易歲華增我懷思宵半月滯人
歸夢客邊花終非故土情何戀便不天涯路已賒可識嚴親
穿望眼也應窮巷賦回車

和夫子游委羽山詩二首

危峯縹渺靄雲閒薄霧初開路幾灣清磬一聲剛破曉閒花
如雨下春山

神僊曾此盪精靈

元時劉奉林煉丹於此今土人采山時山
得方石色黝而有光相傳爲丹鼎之遺

水爲緣感夙因鶴自翩翩梅自瘦教儂無福作閒人

春日

繡餘無事且裴裒庭院沈沈長綠落一桁垂簾春晝永桃花如雪燕飛來

避亂感懷

不堪思往事涕淚一潸然遭亂又今日浮生已卅年傍人秋後燕淒我雨中鵲所幸慈姑健蒼天尙見憐

冬夜偶成

朔風吹雪鎰光冷茆屋蕭然四壁靜避人彊起理寒衣撫事淒涼心耿耿憶昨宛轉深閨時春風澹冶花弄姿買秋延夏日投討花裏浮生聊自怡浮生樂事浮雲幻轉瞬年華易燕雁世事滄桑不忍問回首風塵成歲晏歲晏荒寒仍若斯茫茫天意有誰知窮谷猶傳蝮鶴警烽煙滿目去何之去何之傷別離君不見祇今茆屋酸風裏猶勝圍城碎膽時

馬如佩 字玉珊永嘉人永齋女曾
賢室著夢綠華堂吟草

題畫

晚風乍拂釣絲微一葉漁舟溪上歸楊柳灣頭春水長落花

和雨撲蓑衣

端木順 字少坤青田人國瑚女瑞
安許嶽恩室著古香室稿

潘素心序略夫人稟家學工吟詠歸許公子閭房倡和
之作頗多惜不永年其詩溫柔敦厚意致高遠迥非塗

朱澤粉自
逞才華者

雨窗卽目

草堂連日雨門巷閉多時積蘚高沿砌殘花亂入池春寒鶯
語啞霧重蜨飛遲一望園中柳柔條踈碧絲

寄靜貞姊東甌

一年容易嫩寒侵繡罷時爲獨夜吟菊怨孤花耐秋老楓矜

病葉帶霜深詩成只有蟲聲和書斷空嗟雁影沈兩地相思
隔吳越天涯無限故園心

落葉

春前纔賞影婆娑轉眼商飈逐雁過斷岸紅添斜照冷疏林
青露遠山多馬蹏乾響綠溪踏鳥背殘霞趁晚駢禿柳枯桐
俱入畫莫愁憔悴漸辭柯

大水紀事

年年狂蜃慣為災水雜江湖折復回一望波光渺無際漁舟
高過女牆來

水痕直欲上窗紗門巷牽船壁繫槎細雨斜風淒欲絕樓居
應合喚浮家

性命鴻毛到此輕牆頭雞犬噤無聲居人盡日炊烟斷渚鷺

沙鷗飛入城

昨宵水落露高隄林鳥頻呼滑滑泥猶有低田耕不得村牛
浮鼻過前溪

雪上易堂呈家大人

鷓鴣棲穩一枝巢砌疊青苔屋蓋茅但覺儒官多冷趣况逢
石友訂新交堂前得一異石以作清玩溪山還往休言宦苜蓿清廉可解

嘲雪上著書多歲月夢吞丹篆得三爻

冒

俊

字碧纈江蘇如皋人廣東候補知州
錢塘陳坤室著福祿鴛鴦閣遺稿

陳坤撰事狀恭人生平上稱其孝下稱其慈甲寅在圍
城以諸兒付健僕闔戶積薪約城破舉室自焚圍解乃
已坤前欲刊鹿州女學讀本鸞簪珥贊成之嘗擬輯古
今名媛詩未果祇校刊王玉煥汪允莊吳蘋香莊紫珠
四集其愛才如此工
書能詠特緒餘耳

奉和子厚夫子六十自壽詩原韻

如弓新月照當筵兩鬢成絲謝俗牽宦海儘教生險阻家山
原有好林泉御龍人憶淮南子司馬官嗟白樂天先正有言
遺後法一經已足勝連阡

汪清映

字冰華錢塘人秉健女仁和王法室著繡閒吟草

家傳略汪氏世多詩人小米先生尤著隆嘉以來閨門
著述遠邇爭傳安人生雖晚流風餘韻浸漬含濡故其
詩清幽芊麗意到筆隨絕無佻巧鈍滯之病長適王固
世族安人上奉姑嫜下持門戶孝慈恭儉人無間言洪
逆之亂曾之吳之越之粵閒關萬里兵火驚危亦
云瘁矣著有繡閒吟草若干卷多三十以前所作

春草

離離芳草碧堪憐吹到東風又一年淺沒馬蹏春帶雨叢生
牆角晚含煙魂銷南浦人輕別夢醒西堂句亦仙遙憶明湖
楊柳岸裙腰綠過段橋邊

有懷少卿表姊吳中

粵樹吳雲久別離左家才調繫人思昔曾賭勝爭棋局猶記
消寒讀楚詞黃木灣頭潮有信青山橋外燕來遲他年共返
西泠棹細問江南杏雨時

市橋泊舟

偶泊垂楊下長天野水清秋高霜葉落風靜浪花平僻徑無
人迹荒村有鳥聲推蓬閒眺望返照遠山明

沈畹香

錢塘人戶部侍郎孫詒
經室著寄生館詩稿

自錄詩稿偶成絕句

勘破機關世局中春花秋月太恩恩塵緣一夢何由覺夢覺
塵緣色相空

朱

均

字綺生江蘇靖江人江蘇松江通判
錢塘戴有恆室著繡餘吟織蒲小草

戴德孫日嫂氏幼聰穎善記誦目數行下雖家事瑣屑
晚必手一編吟詠不輟蓋性所好也詩筆得其外大母

潘素心之傳

兒子兆春二十初度作此示之

回思廿載前懸弧歲云暮頭角看崢嶸笑唬恐驚寤撫育憶
 劬勞誦讀誇神悟髫年試童子紅杏句曾賦烽烟卷地來游
 子悲歧路繁華頓銷歇腸斷西陵渡浮家滄海邊庾嶺香成
 霧荏苒五載居韶光等閒度欣歌歸去來愁聽濤聲怒田園
 半荒廢寥寥少親故兒志在詩書吾亦安荆布一衿幸已獲
 三餘勿自誤今又值生辰梅蕊衝寒吐阿兄杯酒陳弱妹蔬
 肴具對此雪滿庭舊事為兒訴

朱迪珍

字佩秋錢塘人廩生朱允元女甘肅燉煌知縣蔣其章室著浣香樓吟稿

許淮祥曰佩秋為余中表吳姊之女表姊婿克庵先生又為余受業師故知之最詳幼慧受父教通詩書家住會城東橫河橋余歸試必就余論詩閒出所作見其別出新意麗而清華而不縛歎美不置余妹寶娟嗜吟詠

詩筒往來月必數四庚申寇警避兵金華遂不復相見
辛酉五月余在雒皋得表姊吳書知佩秋以療卒年纔
二十曇花一現是可慨已余妹哀其遺詩編爲一卷付
梓時在辛酉九月佩秋適同邑蔣君子相後成進士官
甘肅嫩
煌知縣

春寒

春陰漠漠鎖簾櫳
煙雨樓臺盡望中
燕子噤聲花釀冷
倚闌愁煞峭東風

七夕

烏鵲填橋澹月橫
闌干獨倚夜三更
阿儂不乞天孫巧
只祝銀河早洗兵

哀貞吟 并序

貞女姓王氏仁和梅庵司馬次女也幼隨父寓姑蘇
讀書曉大義咸豐己未字許子頌表舅氏結縵有日

會寇陷蘇城猝不能避懼見辱至虎阜之山塘奮身
沈於河時年二十有一余聞其死哀其遇因弔以詩
黑烏嘯急愁雲生陰風呼呼酸欲鳴冷巷破柝寒無聲孤檠
將滅青不明重衾蝟縮夢未成挑燈起坐吟哀貞貞女者誰
如冰清朱雀之裔三槐榮雪膚花貌春盈盈西泠一顆珍珠
瑩隨侍蘇臺瑤與瑛俄然動地鼙鼓驚猖狂寇盜如長鯨女
獨見機先著爭茂苑陰霾無路行虎邱山下長河橫奮袖一
躍追屈平節如山重身葉輕可憐弱質留香名時平天戈會
洗兵禮臣入告應先旌我歌此曲誰與賡寄向山塘投碧泓
千秋嗚咽寒流情

袁

綬 字紫卿錢塘人福建南平知縣吳伯鍊室著瓊花閣詩鈔閩南雜錄

寄孫芝香妹

寂寞閉閒門蠻方氣候温新酷剛已熟舊句待重論衰草秋
蟲咽疏林露鵲翻素娥如有意昔昔伴琴罇

凌祉媛

字苴沅錢塘人光祿寺署正詠女
諸生丁丙室著翠螺閣詩詞稿

莊仙方溥略孺人生穎慧七歲母朱安人授以書詩內
則能窺大意十歲通音律能吟詠性幽嫻凝重事親孝
無違禮歸丁事舅姑如其親相夫以順御下以寬以母
疾禱神願以身代母病愈而孺人卒年二十有二孝行
與詩兼之誠閨中之稱首者矣

層雲淒黯絲雨泥人花飛滿階春恨如織婢子惜紅戲

翦綵絨製掃晴娘以為祝予愛其解事也寵之以詩

翦綵裝絨舊製誇舞衣搖曳鬢雲斜好隨夕照棲孤影漫向
東風掃落花笑學紅兒持做帚快迎青帝駐香車凌虛巧試
珊珊步倩女離魂莫認差

庭前有老桂數本翠蘚蒼苔紛披盈榦梅雨後忽滋細

草若附枝而生者諦視之則牙牌草也

天工地力破成例也逐人閒試博藝莫云小草總無知幻作
 牙牌事遊戲此戲防自宣和中牙籤徑寸勻裁工短長文武
 笑捩闖攙和錯亂忙春蔥纖莖何亦解微妙點點葫蘆依樣
 肖三十有二數非奇二百廿七星同耀牙牌數凡二百二十
 七點以應星垣羅列
 次一瓣香痕透一張居然草草疊成場妝臺權把輸贏角鬪
 草何須午日忙

有感

逝水恩恩感歲華春風一別滿天涯不如歸去禽投樹有限
 光陰蜨戀花填恨新詞金縷曲埋愁遺冢玉鉤斜蓬萊爭說
 仙源近願乞張鸞貫月槎

敬瞻岳忠武王遺翰謹書長古 并序

是卷爲紹興八年夏所書凡十有三字曰域上草植
根非不高所恨風霜早筆意蒼勁墨色淋漓誠真蹟
也近藏武林姚氏

力振千軍撐半壁轉戰中原幾時歇將軍好武亦好文揮灑
霜毫如鑄鐵筆力堅凝氣古蒼墨花磅礴生光芒森嚴活潑
各臻勝好處直逼歐柳王翰墨原非等閒事遺蹟流傳敢輕
置電逝雲馳七千秋鐵畫銀鉤十三字字字勁整飛海鴻歲
時款式詳厥終丰姿奕奕想英挺銅章壓尾芝泥紅從來筆
諫有深意况復偉人秉靈異落落揮毫止數言當時奪盡奸
雄氣勢燄薰天非不高風霜曾奈歲寒凋秦頭壓日知難挽
玉輦蒙塵恨未消我思奪情重賜敕御翰宸章嘉乃德不及
風波紙一張翻合英雄長歎息君書不及公書良蠻牋尺幅

珍琳瑯桃谿廳事偶題句零落借已經滄桑吁嗟乎涅背深
文久磨滅賸有芳名榮竹帛淋漓滿紙墨痕濃和血書成血
猶熱

包韞珍

字亭玉錢塘人著淨緣軒詩存

女士鬪鏃序略君詩屑香為塵媚秋在骨瑋珠有華不
藉緜續山水之氣通諸爾縑而乃紅絲膠膠淚綠怨絃琴
隻月闌干夢中齋曰春風雜噴山上橐榅豈憂以
識字而然詩竟窮人至此才豐遇嗇理固然歟

春游曲

東風二月天氣新游絲乳燕驕青春姊妹相邀踏青去西郊
草長如鋪茵草作香茵花作幔柳絲色與春衫亂日蕩金波
畫舫移風吹玉佩香塵散金蹙紅紋繡襦禱靈虵盤髻鬪新
妝花外駢枝巢翡翠柳邊接葉護鴛鴦鴛鴦翡翠紛游冶年
少湖山結春社連臂爭拋金彈丸絡頭並躍青驄馬別有朝

來上冢還西陵松柏鬱迴環誰家華表聞鳴鶴幾處新阡泣
杜鵑杜鵑日暮嗁紅血山草山花埋斷碣釘盤飲散日初斜
紙錢灰起風猶熱春來幾度踏春陽何處春陽不斷腸有情
芍藥空含淚無主荼蘼欲墮香荼蘼開後笙歌歇滿眼繁華
去超忽漁人目送畫船歸絲竿夜釣明湖月

題秋江送別圖

樓前江水流湯湯樓頭送客離筵張青林紅樹黯無色披圖
恍惚神飛揚憶昔殿君遠行役秋風蕭颯催急裝閨中弱質
不解事拜跪只覺心俚俚落葉紛紛墮船尾津鼓鼕鼕擗不
已樓前相望一揮手遠水蒼茫夕陽紫回頭往事近三年圖
中風景參差是江水從東日夜流天涯鯉信久沈浮白雲遮
斷關山影空對丹青憶遠游

避亂山中

鼙鼓恩恩海上來，倉皇避地劇堪哀。
諸君莫上憂時策，已報天恩擢將才。

土室卑棲事事難，惟將一語報平安。
山廚藪筍多佳味，羞喜高堂未減餐。

紀夢

曲曲林灣淺淺溪，何人結屋此幽棲。
秋容閒綴花三徑，寒色初分菜一畦。
夢裏蜚魂飛漸遠，雪中鴻爪印旋迷。
趾離許我重來否認取，鐫苔舊日題。

鍊石樓詩稿題詞

且休感事說人琴，誰識蕉心似妾心。
一死縱難回逝水，三生拌已化冤禽。
飄來萍絮蹤無定，采到蘼蕪恨轉深。
如許年華

悲錦瑟招魂何處哭知音

嚴

迢

字子繼仁和人河東河道總督焯女兩浙大嵩場大使陽湖龔淦室著琴餘小草

許淮祥曰安人為同年生曾鑑祖姑髻齡聰慧工吟詠兼通琴理得女士許孟淵之傳河帥公絕鍾愛之適龔固世家子父鐘官禮部尚書兩家皆世席華臚而安人獨尚儉德平時不御文綺戚郇賢之中年以後以無子故焚棄筆研所存琴餘小草皆少作

秋夜

深院沈官鼓秋心到候蟲捲簾看明月人影在梧桐

重陽

盆中晚桂尚餘香籬下霜枝乍坼黃令節今年須記取不風不雨過重陽

汪

蘅

字采湘仁和人許蘅卿室著紅豆軒詩

女士吳藻序略采湘清標玉映有林下風賢孝性成自然好學名篇秀句清麗為鄰想見天寒袖薄佳人倚竹

也時

七夕詞

明河清淺碧雲浮
簾捲西風冷玉鉤
一翦秋花涼影瘦
月波扶上曝衣樓

消夏詞

風廊水檻日遲遲
翠蓋紅衣映碧池
取得荷盤鮮露水
綠窗和墨寫唐詩

青粉闌干蛤粉牆
笑拋蓮子打鴛鴦
卻嫌長晝無詩思
小案閒燒壽字香

高葆貞

字子淑仁和人試用訓導錢塘楊振鏞室

養自然齋詩話子淑為高茶庵司馬女弟性端重能詩咸豐辛酉杭城陷隨翁姑殉難時年二十有三有口占絕命詞示外子云城破無可生此事計之熟願君好自謀毋為我痛哭惜亂後詩稿盡失

白蓮

月曉風清後丰姿綽約傳冰描秋影澹涼瀉露痕圓不受汗
泥染自隨清淨綠亭亭凝望處令我思悠然

張

煒

字彤芬錢塘人江蘇候補州判錫元女揚振鎬繼室著桐芬館詩稿

養自然齋詩話彤芬乘母沈仲玫教十齡即能詩閒為小詞亦饒清麗每病嘗割股和藥進之尋愈越二年遺母喪以哀毀致疾卒年僅二十別有詞稿一卷

園花四詠 錄二

晴光破曉寒倦態倚殘醉東風嫋嫋來幾片燕支墜 牡丹

柔條四面垂高架巧位置小摘玉纖纖牽衣防綠刺 薔薇

春雨寄懷洪蓀英表姊

人去江南別夢依韶華滿眼惜芳菲一天風雨情懷惡千里

關河信息稀柳絮池塘鶯寂寂杏花簾幙燕飛飛春寒料峭

須珍重寄語紅闈漫減衣

西湖春日歸途即事用八音字冠首并限溪西雞齊嘯

韻

金衣百轉度山溪石磴迴環東復西
絲雨送春飛社燕竹煙炊午唱村雞
匏尊酒進新筍熟土竈茶烘嫩筴齊
革裏萬人遺冢在路經義烈遺阡木陰陰處子規嘯

鄉居再用前體借蒨英姊作

金縷千條罨碧溪石橋流水夕陽西
絲車軋軋香分蘭竹屋陰陰暖哺雞
匏葉迎風吹欲墮土苗滋雨長初齊
革除塵俗饒清興木筆花開鳥自嘯

嚴

蒨字端卿仁和人江蘇海州知州達女直隸候補知府錢塘陳元祿室

連理梧桐館夜坐

風露中宵冷桐陰滿院清花魂扶月上蟲語叫秋生身倦敲
湘枕髮低躡玉笋碧天詩思遠情話漏三更

皋園卽事

湘波無語畫愔愔倦夢如煙不可尋奇石瘦於名士骨落花
紅過美人心隔簾燕影低窺鏡潤檻苔痕遠上琴不是傷春
心緒懶年來多病到而今

題畫

遠山凝翠柳珍珍小閣分明鏡裏嵌三十六陂春水綠不知
何處是歸帆

陶

珍

字慰香海甯人

許滄祥曰女士慰香稟性柔嘉賦姿莊雅丁詩愛蒔花
歸周後擊牋倡和琴瑟極諧次軒家故貧筆耕餬口居
常作客館枯蒼時臨別贈小鏡並媵以詩有願耶莫似
菱花鏡祇照儂顏不照心之句閨房靜好可以想見體

素羸以病瘖卒次軒悼亡詩云不與人爭庸福命每愁
天限好年華讀之酸鼻遺橐散棄附見次軒集中塵此
三絕而已

送外至禾中

君笑向儂說今番非遠遊途長與途短總是別離愁
相離常累月相聚祇兼旬莫戀鴛湖景鴛鴦冷笑人

秋夜

誰家茅屋點燈涼機杼聲聲總斷腸一樣織來愁一縷豆花
架上絡絲孃

計珠儀

字蕊仙秀水人光
州女陶震元室

于源曰蕊仙工寫
生故多題畫之什

新秋卽事

小院無愁殘暑侵有時閒步到槐陰綠窗刺罷花閒蝶繡閣

眠餘月下琴薄薄晚涼微雨過聲聲蟬噪夕陽沈徘徊立盡
西風裏一葉梧桐仔細尋

計珠容

字芸仙秀水人光祚次女候選郎中沈兆珩室

耘庵詩話芸仙女史幼承家學工于吟咏兼工繪事

寄懷蕊仙姊

碧草和烟水一涯繡餘無事啟窗紗春風不管懷人切開遍

沿階姊妹花

唐

彤

字丹卿秀水人浩女錢某室

求有益齋詩話丹卿女史善吟咏工畫花鳥

春日遣懷

忽聽呢喃語梁閒紫燕歸日長簾半捲春暖草初肥過雨花
添韻迎風蝶退飛綠蕉涼影透窗外澹斜暉

唐 彩 字芝卿秀木人浩次女
吳江進士進鶴壽繼室

正月七日喜逸子弟至即和舟中遣興原韻

汝至先知兆朝聞鵲噪聲時光新歲易姊弟暮年情積雨勒
春信輕雲開晚晴挑燈耽夜話明日又歸程

黃 珪 字佩珩海鹽人湖北宜都知縣
變清女蘄州知州宗景藩室

許淮祥曰宜人能詩善繪事尤擅長人物有
明妃出塞圖趙清獻焚香告天圖世甚珍之

王芑亭先生以構李譜寄示展讀一過因賦

認取西施爪興亡何足論清脩成佛果淨相託仙根玉液含

肌綻金絲綴核繁譜來應入志魯史許同存

嚴永華 桐鄉人雲南順甯府知府廷珪
女安徽巡撫歸安沈秉成繼室

朱福誥傳略夫人幼有至性通書史大義十餘齡即嫻
吟詠嘗剖股療親疾父歿隨兄謹石阡府任謹禦叛夷
巷戰死夫入倉卒負母踰垣避獲免旋歸里適沈公自
公備兵潤州至尹京征政多資內助光緒十六年畿輔

水夫人製棉衣以施皖南北久不雨公方閱兵壽春夫人躬自祈禱應時霽足體素羸以勞劇遽卒年五十五著有紉蘭室鰈硯廬詩存六卷詩餘一卷鰈硯廬聯吟集二卷古文詞若干卷

乙丑五月十四日石阡爲叛夷所陷叔兄蒼戰死節余亟負母踰垣出餘人從之既聞賊將至全家投署後荷花池中賊相謂曰嚴太守清官眷屬不可犯也遂得免賊退後奉母旋里途中感懷有詩紀事四首

邊城從古歎孤懸忽見軍烽照義泉狹巷短兵相接戰親聞永訣敢圖全銜鬚溫序忠魂在食肉班超壯志捐恨乏蘭臺脩史筆國殤猶待殺青編

按劍曾聞屬別成全辛辛苦困圍城分甘沈水從先緒偶遣踰垣作呂榮天意欲全黃口嗣時危竟弛赤眉兵驚魂已定還思痛自是明祇感至誠

吏才經術久聞名東海爭誇萬石榮畢竟家聲傳義勇早知
天道極神明白頭供養心猶戀朱鳥歸來淚共傾最是聯牀

思舊約中宵風雨愴離情

二兄得信後已泝江而上

瘴霧蠻煙路欲迷荒村野店聽鳴雞只知當道橫羆虎又說
嚴城急鼓擊飢鼠夜深背燈出怪禽日落向人嗥加餐還祝
慈闈健早晚歸程指浙西

隨宦桂林未遂攬勝之願恩恩將去阻雨愆期鼓興挈
馬甥瑞熙女姪壽慈兩兒瑞琳瑞麟登疊綵山盤桓

竟日賦此留題

桂林山水窟名甲寰宇中天教廓詩境宦蹟留泥鴻未遑事
幽討塵俗空填胸攜雛欲先去歸棹尋吳淞僕馬已在御歌
驪行恩恩

秋闈伊邇余先挈兩兒歸試外子俟高中丞至行期尙有待也

陽侯若有知恍惚

來相逢爲言名勝地自古無異同胡爲浯溪游長歌詩興濃
丁亥冬道出祁陽暢游浯溪賦七古一章茲竟不一顧毋乃情不鍾因之小作虐
澎湃橫流冲舟輿兩難渡挈榼訪靈蹤山城無百里詆蕩多
奇峯層巒疊錦綵佳氣鬱蔥龍飛閣出嶺表清賞溯元公古
堞隱崇雉深澗飲長虹坐久心顏開瑟瑟來清風兩餘空翠
滴洞古白雲封豁然忽開朗異境探不窮老佛坐巖際天半
聞清鐘青山壽太古底事首盡童俯仰忽有悟山性與人通
斯人多質直山亦無修容參差如束筍天矯若游龍山下多
沃土潑洄水一弓種荷能追暑種桑倍農功民瘠久必亂民
裕國乃豐願民登衽席蠶織毋疏慵灘江波似鏡倒影青芙
蓉小艇自來去蕩漾雙槳紅清景儼圖畫拙筆摹難工憑眺
不忍去夕照輝長空何當攜綠綺一鼓風入松

外子調任皖撫竢得代後移節余先挈兩兒返吳門感
恩述懷作七言古詩一首

八桂森森山水窟夢魂苦繞蘇臺月豈知人欲竟天從

敕書飛下

黃金闕

詔移旌節出蠻天五月灘聲江上船故園松菊在眼底迴視

粵嶠浮蒼煙疊綵山頭一憑眺瀕行有疊搔首青天思謝朓

東征攜子暫言歸北隴移文漫騰笑自從黃河決鄭州蕭條

淮泗馳急流又聞潁毫久不雨堯浸湯旱增煩憂盈盈衣帶

長江水日夕雙輪若雲駛每想樓船曾出奇祇今天塹嗟難

恃金印煌煌安足榮次山興挾滄浪清

主恩未報歸不得永憶江湖白髮生

癸未三月隨侍夫子挈松柏兩兒買權游西湖還登煙
雨樓遂至青鎮奉母返吳門作詩四章以紀之

西湖幽絕處人迹罕經行古木四圍合野禽三兩聲孤山終
不俗處士舊留名欲薦寒泉菊高風同此情

借宿招提境吟詩靜夜分月光初地見花氣後臺聞何處曉
鐘動滿城香鉢熏山僧無供帳敲枕臥看雲

水鳥飛何處蒼茫雲滿湖權歌有遺響不見小長蘆浦澗仍
煙雨樓臺入畫圖家風在嚴瀨能把釣竿無

曩昔執箕帚埽君堂上塵仁人許烏哺供養白頭親晝舫歸
裝便安輿樂事頻願持九醞酒釀作一家春

戴蘭枝

一作蘭味
烏程人

浙江忠義錄蘭枝居南門唐衙巷幼嫻女紅暇則誦孝
經及唐詩事母孝于歸後克盡婦道同治元年五月初

三日城
陷殉難

吳思藻湖防紀略城陷之日婦女殉節者或見殺或自盡而死於水者居多死之從容者莫如戴蘭珠女史題詩於壁投筆自經惜不詳其世系今觀其言真媿倒須眉男子矣

絕命詩

誰謂飛花便染泥碧梧端合鳳皇棲豺狼滿地心先碎烽火連天眼欲迷此日紅絲能絕命他年青史好留題慈親未見終多恨泉路今歸倍慘悽

吳蓮漪

烏程人增貢生候選訓導

湖州詩錄三編蓮漪歸錢氏未期而夫亡母孝義陳氏於匱內得詩一首知其因遺腹未生不欲以身遽殉也巳而得男於是家人百端勸慰之終不聽以哀毀卒先是夫有女弟三人季尚末字至是閔兄嫂俱亡父母又老遂矢志不嫁慨然以事親撫姪為己任庚申之亂錢氏避地菱湖賊至三女同歿父曰事急矣兒輩分一死耳願吾父速攜姪去毋因兒輩誤事賊退後父蹤跡之見三女皆浮水面猶衣裳楚楚握手不解鄰媪有匿蘆

輩中者詢之始知三女從容投河狀時五月十九日也
三女長適潘次適施皆早寡歸依其父季節撫姪不嫁
者

匱中詩

草草塵緣感夙因分明泉路待追尋祇憐一塊懷中肉多作

凡閒十月人

吳順卿

字順姑烏程人諸生元莖女

湖州詩錄三編順姑為先伯吉裳公長女性端靜工吟詠平居事母尤得歡心以鍾愛故逾笄未字次適長與周氏庚申之難長邑先陷周氏避入郡城寄居妹家王戊五月初三日城陷女與周氏同時投河殉難

題沈月笙表姑妹小娜嬛室吟稿二首

錄一

曾登繡閣小娜嬛四面晴窗列翠鬢疑是玉堂天上住渾忘

珠唾落人閒

吳氏

歸安人進士吳增嘉女安吉舉人施文銓室

荷折齒牙賣漆

卷五十四

吳氏未保請

李

南歸後雜詩

我本蒼上人未覩蒼西景今來十月中風光始一領修竹何
檀欒蕭蕭風雨冷竟日密箒中咫尺不見影日落猩鼯嘯山
村寂以靜感此發長喟中懷萬緒并

朱保詰

字錦香長興人福建蟠江通判步涑女

浙江忠義錄朱氏故兵部侍郎戴熙子婦幼讀書能賦
詩事親孝年十三隨父任中途舟壞水及身舟人將援
以手堅坐不起婢掖之始出父病危割股和藥乃瘞歸
戴事舅姑維謹治家勤儉姑寢疾侍湯藥數旬衣不解
帶姑歿持喪盡禮咸豐十年二月寇陷省城熙投池死
視舍畢急歸甯侍母出避海甯數月母沒明年九月返
杭未幾城復圍人恐朱食息如平時或詢之日早自
為計何懼為城再陷謂可恆曰父母舅姑俱葬我死無
憾君速挈子出以續宗支口占絕命詞一首時已絕粒
兩晝夜不死是夕自經懸絕又不死乃墜樓而下投池
死卽熙殉節也

中秋對月

團樂一樣窗前月待到中秋自不同今夜清輝尤皎潔桂香
繚繞撲簾櫳

絕命詞

烽火連宵警長城一旦傾傷心惟有淚取義誓全貞性比堅
金固身如朽木輕寸靈終不泯殺賊待來生

勞蓉君

字鏡香山陰人舉人勞丙堃女山東
鹽運使陳錦室著綠雲山房詩草

章瓊序略女史性至孝自幼工詩故集中多思
親之什其他摠懷詠物諸作亦多莊雅可誦

雜感

萬重蒼翠望中收如駛年華去莫留半偈喚醒塵世夢滿懷
傾吐海潮秋無根淚灑花前雨不繫心懸瀨上舟千古征人
怨離別夕陽西去水東流

長夏幽居戲效元人體得二律

長夏幽居興正賒石泉新汲自烹茶戲編小令書蕉葉乍換
輕衫襲藕花千里書來燈欲語半山風墮竹先斜清涼如此
何愁暑吟到松陰健有加

動搖風影愛簾波石磴花階露氣多幾疊雲羅蒙澹月一丸
星火度明河飽聽竹籟兼泉籟遙答樵歌與權歌莫信天邊
牛女事披衣爭問夜如何

余雲貞

字初蘭山陰人
慈谿葉仁妻

題煙嶼樓詩集

我歌黃鵠八年久墨花零落硯塵厚固知結習難盡除敢向
雷門擊秦缶邇來祺兒爲我言吾家姊丈眞詩叟平生有詩
三千篇舉世無能出其右天公生才還忌才下命六丁搜二
酉焚餘之草什二三秋來爲付手民手我攜其詩向鏡臺光

明磊落無塵垢經生之學才子文人情物理纖毫剖有如白
氏長慶編雖我老嫗解八九東牀坦腹記當年此腹不須呼
負負吁嗟乎尋常詩卷累萬千大都供人覆醬瓿焉得清新
如此集珪璧之寶金玉壽卻喜吾兒從之遊挂名大集同不
朽

沈

玫

字錦華山陰人
著雙桂軒詩草

苴世基跋略女史為詩人玉笠舫女甥性貞靜閒逸喜
吟詠有舅氏風惜所適非偶夫亡又無子晚年益貧困
辛酉死寇難先大父罷官流寓越州女史與先大母
中往來甚相得此帙友人得之書肆蓋女史手稿也

和李月華女史春日卽事原韻

滿院韶華景最幽停鍼小立豁清眸竹枝隨月遮庭角花片
因風落案頭魚似聽詩浮曲沼燕如解語到層樓破錢妙詠
傳家學繡閣推敲韻事悠

几淨窗明事事幽
吟餘憑檻偶凝眸
晚雷驚筍穿籬眼
春鳥嘯花上樹頭
千帙錦箋常滿架
一輪寶鏡正當樓
暫因晝永焚香坐
靜撫絲桐韻自悠

夏日

南窗寂寂北窗虛
蟬語驚人睡起初
靜坐小窗無箇事
獨敲棋子曝殘書

紅藕花開畫似年
綠窗深處枕書眠
夢來清冷渾忘暑
一帶垂楊噪暮蟬

陳靜德

字撲卿會稽人廣西鎮安知府如金女著夢笑館詩草

舟中卽景

山自迴環水自流
清風徐送木蘭舟
日斜漫向篷窗倚
一色長天幾點鷗

錢令芬

字冰仙自號竹溪漁婦會稽人兩淮鹽大使江女

戴夔元曰夫人為宗滌甫先生女甥外姑夙嫻詩教夫

人秉母訓工吟詠然不欲以詩名歿後檢遺篋得賸稿

僅若干首附刻家集以志余慟云爾

舟行卽景

小泊黃昏近長隄樹色齊炊煙迷古堠漁笛隔前溪野迴無

人渡林深有鳥嘯京華一回首千里暮雲低

金

蘭字佩秋會稽人萬清次女候選訓導陶壽勳室

許淮祥曰女史性至孝痛父穀生太守殉難遂病嘔血卒著有韻碧軒詩詞稿皆與廣文閣中倡和之作

蘭廬卽事

蘭廬當二月景物畫圖中野墅青山繞湖橋綠水通釣絲楊

柳雨牧笛杏花風一棹煙波去春鳧傍短篷

秋日西樓晚眺同竹書夫子作

日莫西樓上憑闌同嘯歌風吹秋水活山帶夕陽多遠浦還垂釣前村正納禾烽煙望天末幾處劇兵戈

曾碧芸 永嘉人吳錫祥室

曾氏姑媳雙貞詩

苦節稽家乘傷哉二母俱鵠飛雙影折鴛夢一生孤皦日心同誓流泉淚並枯覆巢更負子辛苦幾含荼

鄭蕙 字雪蘭永嘉人松巖女福建候補同知平陽殷執中妾著素心閣詩草

李慈銘撰墓志孺人少喜讀書偏能記誦及歸殷君始授以列女傳遂知儀型芬懿趾迹珩璜粉印青編不離素手麝凝墨點常在朱脣尤愛楚辭及杜工部集玉窗倦繡輒取評量銀燭向晨猶閨朗誦蓋湘江香草已傷飲泣之心蜀道嗚鵲遂有斷魂之恨平生作詩至數百首臨歿命悉焚之斯又優曇已空漸留其香色卷施既拔欲絕其纏縣不求語言

張景祁序略余與心齋太守同官閭嶠推襟送袞時相過從每為余言其鄭姬雪蘭慧而早夭出所著素心閣

詩示余近體清微澄澹澹感物而興一洗綺靡柔曼之習
至擬騷擬古諸什抒寫哀樂極命風謠言約而趣閑思
近而旨遠盱愉幼眇以達難喻之懷其緣情比事
風諭偶託率皆溫然無鑿於正烏虜其心苦矣

擬古

鬱鬱蒼松枝託根澗底蟠直榦拔干仞高出青雲端嚴霜日
以砭勁節良獨難顧瞻蒲柳姿望秋先闌珊大材出盤錯忠
義志所殫苟無後彫性誰與同歲寒

聞瑟

何處閒彈瑟哀絃動四鄰淒淒復切切愁殺倚樓人

秋夜

一曲罷瑤琴當風擊節吟詩豪嫌燭短量淺怯杯深簟冷秋
先覺樓高月早臨夜闌人語靜花影上羅襟

送高氏妹之京

之子今北去而我獨南留相逢剛一載儻分兩地愁荷風吹去袂花氣撲行舟煙波渺無際佇立凝雙眸

宮詞

紫袖低垂罷晚妝寒鴉帶日向昭陽羊車不到春宵靜金鴨無煙玉漏長

雜言寄懷高妹

春鶯戀瓊枝春花入翠池春風一相憶春雨又絲絲相逢桃李節相別落花時相望黃雲暮相思白露滋

擬烈女操

有序

平陽旅舍不知何人題壁云妾驍騎妓女司馬愛妃荒村日暮方尋依鵲之枝旅店月明瞥覩飛鴻之影太阿在手秋水騰精小醜低頭春泥崩角方識女奴

狐穢敢同鳩鵲之巢更嗔爾僕鴟張遂速鷹鷂之逐
喋血致夫君之札語盡悲涼銜哀書烈女之篇詞多
激烈所恨莫釋此心未銷聊贅數語以明妾之頭可
斷妾之身難犯也讀而哀之讚以短章

回鄉偶書

十載離鄉今始歸江山無恙故人稀乍逢骨肉翻疑夢極目
園亭已半非訪舊還同遼海鶴娛親幸有老萊衣荒蕪猶得
存三徑多少朱門弔落暉

項

瑱字若眉瑞安人霽女安徽祁門知縣林用光室著脂學樓吟稿

雉子游原澤篇

兩浙輶軒續錄

卷五十四

鄭蕙瑱

奎

八

雉子春風來陸離相追逐錦臆與朱冠朝飛出幽谷散采匹
鸞鳳爭食笑雞鶩頗懷耿介心百步一飲啄長依原澤遊豈
願金籠宿恐逢陳倉人弋獲得嘉福

白紵辭

美人勸酒飛羽觴隨風赴節輕袿揚凝妝麗服織不長霜紈
霧縠游龍翔金蓮花燭爛終夕霓裳奏罷舞瑤席請君更作
傳杯客月明未是東方白

紅錦地衣來翩翩嬌娥蹴步凌綺筵繁絃急管殊自憐清歌
遏雲雲不前西烏夜飛壺漏促袖長拂面映蛾綠君王半醉
看不足琅璈再奏無愁曲

吹鸞笙催羯鼓珠簾繡檻月將午簪金藉綺進白紵纖手彈
箏細腰舞牽雲曳雪何娉婷刻羽引商冀君聽佳人卻厭傾

國名願得賢臣興頌聲

春雨

密比垂絲暗溼衣知時好雨轉霏微
苔生小院無人到花落空園有鳥飛
潤氣半旬凝柱礎春寒五夜著簾幃
湖波報道添新綠惆悵江南客未歸

秋懷奉和几山季父元韻

落木蕭蕭菊滿枝明河案戶眾星移
山禽帶月投深樹村犬迎人吠隔籬
郭外寒砧侵夜冷江邊聞笛倚樓遲
阿誰擁卷鉤簾坐銅鴨添香更賦詩

小亭夜坐

月上天河淡回闌試一凭事多嫌日短
坐久覺涼增風急沈清磬林疏露遠燈
小亭吟興好燒葉煮池菱

秋夜

靈虯傳箭可三更
月白天清匹練橫
松影滿庭雙鶴睡
停琴

閒聽讀書聲

陳

鈺

字靜漪錢塘人坤女順天

孫德祖曰靜漪女史為冒碧纒恭人女有新樂府四章
箴羊城閩範家傳稱其生有夙慧尤留意世道人心殆
非虛語惜厄於產難
年僅二十有三云

春日雜詠

報道寒消九九圖
恩恩花事費踟躕
含情笑問垂條柳
能把

春光繫得無

孫傳芳

字佩嘉號浣雲一號蟾仙錢塘人穀女

戴德孫傳略亡室幼耽翰墨女紅之餘輒事吟詠來歸
後與嫂氏朱時相唱酬兼涉書史久而不忘食貧無怨
以無子抑鬱而
卒年三十有三

閒居漫興

微風從東來吹我庭前竹
清氣入簾櫳彷彿居幽谷
碧樹靜悄悄上有珍禽宿
花密不逢人林深知徑曲
一枕黑甜餘新醅喜初熟

秋懷和外子韻

木落雁南至燕歸人未歸
涼風吹鬢短夜雨滴階微
羈旅光陰速家園音信稀
何時還故里重扣舊荆扉

樊

氏

仁和人慈谿教諭梁生女舉人朱光謙聘室

朱其燿曰氏為介軒侍講族妹幼慧知詩書工楷法字
余族子未行而幸酉之難作其父方應彭剛直之聘挈
眷寓安慶謫傳朱氏闔門被難氏間卽素服變食每夕
露禱願一身受譴而句免朱氏其夏遂病卒家人檢匿
具得禱詞并七律一首難平其叔毓桂以語光謙迎骸歸葬於朱氏

禱詞

不幸生為女子身此心甘苦總隨人明知未面情何有爭奈
通名義已真春鳥巢傾完穀少秋蟬力弱抱枯呻祇期天鑒
區區意敢說劬勞負二親

許誦珠

字寶娟自號悟紅道人海甯人江蘇督糧道隸季

女同治庚午舉人歸安朱鏡仁室著澹吟樓詩二

卷鴛鴦吟館

詩詞草一卷

倪鍾祥傳略誦珠生而慧好讀其天性五歲受經於泉

唐朱學博允元輒知大義每授一過琅琅若宿讀觀察

公家世華靡多藏典冊誦珠恣意涉獵旁及雜學而於

籀篆形聲之旨林蘭經脈之奧尤所究心有經說小學

說喜吟詠有雲窗瘦影詞

一卷子卯樓居瑣記四卷

許滄祥曰吾妹寶娟性伉直好周人急雖脫釵珥以質

錢無吝色每炎暑合藥以施病者歲以為常于歸九年

無子女抑鬱

而死悲夫

讀佩秋晚香樓遺稿效太白三五七言句

清宵闌鐙影殘對卷淚如雨芳魂何處還鍾期去矣賞音寡

伯牙有琴誰更彈

讀吳絳雪詩 并敘

絳雪名宗愛永康人事具先農部公撰傳桐城吳康甫丈爲刻其六宜樓稿綠華草各一卷先公復評點而重刻之

迴文錦字暮煙荒牘墨零箋更斷腸絕代奇才天亦妬千秋亮節骨猶香蛾眉竟解蒼生困鶴背應憐碧漢涼惆悵桃溪溪畔水年年嗚咽訴愁長

水僊花

輕籠微月薄籠煙悄立亭亭解自憐淺淡丰神春在水清寒骨格瘦於僊檀心耐抱冰霜冷玉質羞儕粉黛妍笑捧晶盤還顧影數枝相對總嫣然

兩浙輶軒續錄

卷五十四

許誦珠 錢廊藻

突

川上上

錢卿藻

字佩芬秀水人舉人聚朝女
詹事府詹事餘姚朱道然室

孫德祖曰淑人能詩兼工畫蚤卒遺墨經亂散佚僅存
手稿十餘幅及畫冊八葉王光祿家壁為各題五言數
句一首跋俚其娟秀清
逸大足傳世非過譽也

觀荷

萬柄荷花半畝塘
竟香亭北午風涼
偶乘清暇來憑檻
隔岸蟬聲在綠楊

武林旅舍

一夕風聲雜雨聲
客中入耳倍分明
窗前何事栽蕉竹
亂攪離人夢不成

畫蠟梅一枝即題其後

庭前一樹蠟成團
開向西風獨耐寒
翦得斜枝饒畫意
為描清影上齊紈

顧佩英

字湘麓江蘇吳江人秀水拔貢沈景脩繼室

李齡壽曰女史性脩潔白喜尤好身後名於古之賢媛有餘慕焉

寄懷汲民夫子都中

庭竹報平安離懷且自寬數行無別語兩字但加餐寒信催
刀尺長風盼羽翰月明千里共倚徧小闌干

章韻清

字蘭言平湖人舉人張天翔室著會仙樓遺稿

秋日郊行

霜落秋林木葉飛西風浩渺雁行稀行吟不覺郊原晚敗葉
隨風撲上衣

遊清福庵憩山家作

暮鐘聲裏夕陽斜寂寂茆庵近水涯飽看山家好秋色一林
紅葉一籬花

汪毓英

號綠君平湖人鍾某室著春暉閣詩

鴻雪樓蕭兀瑣言印譜為乍浦章氏湘畹蘭言姊妹作

秀氣龍湫萃一家掃眉才子信堪誇金鍼繡罷鴛鴦錦鐵筆

描成姊妹花

孟慧蓮

號淨香平湖人著紉蘭室詩稿

送別祥姊歸四安

窗前斜日漫相催且盡分襟茗一杯好景莫教輕別去白頭

能得幾回來

張茗蓀

字月娟平湖貢生定閩女通判胡乃柏繼室著餞月樓詩鈔

許仁杰曰烈婦幼侍尊人嘯夫先生承其家學女紅之暇輒耽吟詠及笄後歸胡踰三年絕粒殉夫

秋窗聽雨詞

秋雨連絲無斷絕空閨遙夜心悽惻瑟瑟蕭蕭夢屢驚斜風

冷透紗窗溼孤燈挑盡不肯明殘漏沈沈已轉更金井淒清
嗚絡緯幾人感此萬緣生簷前浙瀝風又起可憐憔悴秋窗
裏窈窕窗遮憔悴人悄然瘦影銀屏倚鴻雁哀鳴玉宇秋一
夕鄉心幾處愁弟兄羈旅音書斷家室飄流萍梗浮嗟我幽
棲在空谷秋雨秋風斷還續簷鐸郎當伴苦吟秋宵譜出秋
窗曲

書痛

手調薑橘獎劉孃劉令嫺薑橘莫夫文夫子讀之歎曰異口
以蘋婆果奠我予聞之悲甚佯以他事亂
之亂以他詞暗愴傷今日蘋婆親設奠魂兮來否可能嘗

陳葆懿字醇宜桐鄉人世珍女
翰林院編修陸芝祥室

秋懷

爲憶當年淚欲傾雲山迢遞若爲情一宵夢斷家何在萬里

書來歲幾更別久怕看秋燕影愁多忍聽嶺猿聲何當皓月團欒夜共說離懷直到明

沈秉靜 字仲雅歸安人翰林院侍講

馮文蔚室著長權閣詩賸
緝雅堂詩話聯棠侍講捷乙亥北闈出先兄潼商君房
習聞其家室仲雅女史妙擅六法尤工于詩比余有緝
詩之役遠自都下郵寄遺什溫厚和平具
有大家風範女史則仲復中丞女弟也

久不得家兄書賦此寄懷

雪水悵迢迢思君暮復朝黃花對樽酒明月入詩瓢籬畔蟲聲急天邊雁影遙離懷難自已歸夢越山椒

消寒第二集分韻限風中紅同翁

窗竹玲瓏捲朔風茅齋小飲漏聲中珠簾翡翠垂鉤綠玉案珊瑚架筆紅迢遞故鄉千里隔團圓此夕幾人同梅花萬樹傳消息吟興疏狂學放翁

雨後晚眺

天霽溼雲散畫橋楊柳風半篙新漲綠萬樹夕陽紅倚杖逢

鄰叟沿溪問釣翁舉杯三影對明月古今同

沈元梅

字月笙歸安人南河同知文藻女同治庚午舉人

吳思藻謨傳貞女幼受詩于母吳恭人感豐癸丑父卒時僅十歲哭泣盡哀後兄弟四人皆側出女服食輒讓在堂起居必謹隨母後居常非命不踰閫戚族罕美繇是益得祖父母權心居常非命不踰閫戚族罕見其面壬戌四月圍城食盡有勸令民開各捐衣飾抵發兵餉者女從容啟母曰事急矣一旦有變義不辱生身外又焉恤不如姑與之以靖眾志盡脫簪珥輪之城陷作絕命詞一章擬投池自盡倉卒聞家人強之登舟至索門外文昌閣前船盡遭慘掠促母登岸泣曰兒死無苦吾母耳言畢投水死年十九時五月初三日也

壬戌二月初十夜大風雨次日早起見梅花滿地悽然

有作

香銷韻歇怨黃昏一片飛瓊帶淚痕修到梅花猶有劫教人
何處弔冰魂

辛酉十月以來城中警報日至母氏吳恭人惟朝夕禮
佛感賦此詩不禁淚下

生來原比掌珠珍到此偏教感溷茵母似菩提兒似果拈花
同證佛前因

歲寒松柏垂訓簡編某雖閨中弱質聞之素矣言念及
此不禁泫然

東風狼藉最無端側側光陰逼歲寒桃李年華松柏性天教
生就與人看

題都督湯貞愍公

貽汾畫梅

將軍肺腑本槎枒餘事人閒墨戲誇歷劫忠魂磨不盡臣心

點點託梅花

敬述母訓

母氏恩勤十六年閨中常以教爲先義經宜讀家人卦戴記
須嫻內則篇此日金鍼勞指點他時彤管漫流傳女生莫被
聰明誤弄瓦之言要記旃

壬戌三月懷外家香溫茶熟廬

兵戈三載感年華不復隨親到外家枝上杜鵑嗁作血夢中
蝴蝶幻成花四郊盡被烽煙擾百戰頻驚月暈加回首桃源
何處是高樓相望隔紅霞

壬戌四月圍城久困痛不欲生作此自歎

桃源咫尺隔煙霞一入危城計便差籠有珍禽惜文采轍無
涸鮒問生涯母心苦甚卷菴草女命輕同期槿花昨夜閨中

驚夢醒可憐身已化蠱沙

絕命詞

麻姑眼見小滄桑十九年中夢不忘一片曠痕封筆墨千條
血縷綴衣裳生來本是神僊侶死去從教姓字香寄語同懷
諸伯仲百端為我慰高堂

程烈女

字季玉歸安人濟英女

望炊樓撫談烈女性慧能詩嘗詠費宮人句云美人黃
土等閒事略挽通逃臣妾風幼隨父流寓吳中庚申被
難其父以醫卜存活癸亥冬蘇城復與父相失偕奚姓
媼匿桃花隴其女兄為營弁鄭某所得因脅烈女去自
縊被救不獲作絕命詩遺媼屬
他日訪呈父遂投周孝子井死

絕命詩

雲霓空自望迎師劫運離奇未可思賊至不教同畢命傷心
偏在太平時

人生難撇是耶孃蹤迹從今各渺茫回首深恩無可報留將
清白慰高堂

俞繡孫

字絳裳德清人翰林院編修懋次女工部主事錢塘許祐身室著慧編樓詩鈔

俞懋序略余次女繡孫生而明慧授以毛詩國風又於韋穀才調集中選唐詩數十首授之未幾以讀他書也而女酷嗜詩見人詩集輒取讀之終日不釋余因題其所居曰慧福樓冀其慧與福兼也女自此愈致力於詩入都叩別家大人

最是傷心處牽衣欲別時親年雖未老兄病已成癡寒暖宜
珍重晨昏善護持雲山千里隔何日是歸期

沈孝蘅

字明霞德清人歸安諸生胡光兌室著宜爾樓詩鈔

丁卯春初重赴韶州久病感懷寄示三兒

衰年只合看孫嬉回日無多又別離去冬回省居未三月復往韶關自檢良
方芟老病敢期濟世列名醫閱書祇爲心無著執卷偏教臂

不支硯匣塵封蜘蛛網結幾時拂拭坐題詩

戊辰春三兒孺捧檄知德慶州迎養官舍二月十五舟
次端江憶辛酉歲偕先夫子至止館於高要悼亡以
來忽已四紀靈櫬孤懸荒寺奉歸不得傷就養之弗
偕念義方之有踐悲喜無端泚筆成賦

卅七公然爲長吏願追大父效先賢須知愷悌存心處絕勝
承歡繞膝前獨爾絲彈音倍苦安輿花導喜眞偏折蓼心事
亡著淚一夕霜華上鬢邊

偶成

綠陰深鎖碧闌干初換羅衣怯嫩寒殘弈未完憎客至新詩
乍改怕人看黏簾絮溼朝煙重繞檻花香宿雨乾小坐莫嫌
知己少座中相對有幽蘭

義僕何昆蜀人也故主沈某宦於滇爲元江司馬遭土
練之亂城陷殉難獨出其少主於萬死一生之中閒
關萬里遠送至粵沈氏於予爲同堂之親重感其義

作詩褒之

慷慨崑崙氣斯人今已無一身肩巨任萬里送遺孤讓也仇
須復嬰兮志獨劬艱難知報主多爾解忘軀

蔡鹿芝

字壽仙德清人仁和廩生
蘇昌緒室著拜月樓詩草

明妃

明月依然似漢宮琵琶一曲訴秋風和戎畢竟君王意不向
丹青怨畫工

楊妃

聽到淋鈴了舊盟此生已負況他生仙山較勝深宮樂莫遣

洪都道士迎

秦氏

鄞人諸生運錫女江西建昌知縣董沛室

劉鳳章曰秦蒸人婉婉承順事姑備極孝養姑年高午夜始寢蒸人必伺其熟寐乃歸己室姑歿蒸人方臥疾不能視含殮朝夕哭不絕聲越四日亦卒

自題對月圖 集唐

萬籟此俱寂

張九齡

披衣覺露滋

沈佺期

可憐閨裏月

李商隱

倚立

自移時

常建

香霧雲鬢溼

杜牧

凝情自悄然

李白

高樓當此夜

韋應物

散步詠涼

天甫

汪素

字珊瑚慈谿董葆琛妾

和主人新居原韻

久抱懨懨病無心掠鬢蟬掩匳愁曉鏡撫瑟怨秋絃月上初

三夜人居尺五天，隔鄰誰氏女。低唱想夫憐。

周維德

字湘湄，山陰人。吳縣張子謙室。著千里樓詩草。

梅寶路序略：女史生有至性，儻不羣。芬芳悱惻之懷，溫厚和平之度，無不見之於詩。咏古諸作，吐氣如虹。一洗脂粉積習，殫心風雅。擷秀湖山，夙平尚矣。

雨夜憶雲湄女史

記得言交春盡頭，子規聲裏送歸舟。夢回枕上人千里，恨鎖眉梢月半鉤。孤客光陰拋逝水，滿天風雨釀新秋。芭蕉不管愁心結，滴碎窗前響未休。

將去西園走筆留別

天涯何處卜江村，又向天涯別故園。滿院落花悲杜宇，一庭芳草怨王孫。春當欲老猶憐別，人為多情易斷魂。此後相思須共記，何堪風雨伴黃昏。

喜雨

空階生峭寒雨聲入茅屋四壁暗疑煙瀟瀟破寂寞披書焚
鑪香一鐙相伴讀須知午夜中萬井含膏足旦日會登樓盈
郊望新綠

陳織仙

字雲裳會稽人錢塘舉人高人鳳室

題家書後

拈毫欲寫幾遲徊萬種新愁頃刻來書盡蘭箋心未盡卻教
緘罷又重開

孫芳祖

字心蘭會稽人知府道乾女山陰舉人秦德延聘室著小螺盒詩草

平步青傳略女史生而婉嫵敏慧眉目如畫父觀察奇
愛之好讀書十二歲師蕭山曹大令壽銘授以唐宋人
詩輒仿為之旁及倚聲繪事涉筆罔勿工孫氏越著姓
羣從方以科第才技有聞於時女史以弱女子頡頏
其間社中讌集徵引故事猝不省所出或以寸楮叩之
女史即為疏本未取插架覆之無一字譎其博識如此

字秦公子年少有雋才未行而卒年十有九觀察爲病榻憶語千餘言哭之秦請其喪殯諸先壟著小螺盃詩詞二卷其梅花畫人傳續銜蟬錄皆未成孫德祖曰女弟爲季父側室王所出姿性明淑生未晬便愛跌坐漸長事嫡母陸夫人及慈母張咸得其驩心嘗從余識文字及之歲余方客中州先是一年季父夢其手玉蓮花并并沒空際是殆有夙根者余那詩哭之有目佛果仙因事可疑蓬山竺國兩難知正如慧業文人閒有蘭摧玉折要不能不謂其生有自來也

曉起

嫩涼如水沁吟牀未擬開匳洗曉妝清露滿階收粉豆玉簪花畔劑秋香

偶成

春深風絮撲簾衣才熟銀鑪篆影低爲寫金經剛試手綠陰一院畫眉嘯

蓮房

人愛榴房紅儂愛蓮房綠翾風作房老綠珠勝紅玉

屠 姑 字夢香會稽人山陰王庚室著安拙軒詩草

沈熹傳略淑人性婉婉嗜書史工筆札兼擅長於六法同治癸亥二月殉難夏侍郎同善特疏請以烈婦

旌得 旨允行

偶成

雨過園林草木滋秋芳禁得曉風吹膽瓶自汲清泉供坐對

明窗畫折枝

申志廉 字浣清錢塘人江蘇吳江知縣保齡女仁和諸生施恂室著綺窗吟草

詠八月榴花

滿樹胭脂深淺妝愛他歲晚占芬芳秋風庭院深深掩夜月
園林寂寂香豈共尋常爭絢爛亦從閱歷識炎涼靈根似向
瞻宮乞不讓天台桂獨黃

朱承芳 字蓉生錢塘人舉人徐珂室著紫薇花館小集

送春日作

畢竟去何處飄然春欲歸自驚顏色改忍見落花飛身世原

同感心情覺漸非蜨魂誰喚醒猶是戀芳菲

許綺詩 字麗卿海甯人長蘆鹽運使誦恆女兩淮運判錢塘范崇威室著漱芳樓詩草

許莊兄絕愛之麗卿亦能事父歸范嫺婦德姑久病侍眉氣謹凡庖湏盥臉之屬固不躬親夜必俟始熟睡乃奉維是者六年尤人所難能翁梅孫先生起家縣令存出屏藩麗卿隨侍任所嘗之燕之粵不憚勞苦持家并井光緒七年翁引疾歸又明年疾篤麗卿封股洽藥籲天請代翁沒惟胸號泣哀毀過人尋亦病後三年營葬畢遂卒

清明

淡淡春陰二月天鞦韆蹴破綠楊煙晚來且喜渾無事閒看

兒童放紙鳶

檐前漏歇雨初停約伴尋芳到野亭遙指杏花邨畔路紅雲
深處酒旗青

紀艷烈女事

烈女姓艷氏海甯之長安鎮人父

侍父以老父沒女請于族長為父立後依弟以居時年四十歲豐庚申七月二十五日賊至焚其居弟欲俘女先已自沈水壩中賊退親串往視則火時壩中水沸屍化為糜矣從祖農部公為作傳余因作歌以哀之

森森女貞樹寒翠凌嚴霜鬱鬱椒蘭氣委灰乃益芳中欄有
烈問勁節與同彰鴛央失其匹終古誓不雙椿陰猶可庇脫
珥事高堂純孝儕北宮貞操侔其姜俄驚南山喬商飆已摧
落終鮮兄弟行箕裘將誰託載賡杜詩旁枝尙可索莪莪
懷清臺高築連花萼彗星天半明東南方苦兵潢池倏告警
風鶴皆悲聲庭中何所有五石有巨罌甘赴一泓水蹈海同

艱貞巾幗乃有此所愧在專城寇退人言旋荆棘盈故里火
及須彌山崑玉終不毀形銷名永存伯姬將媿美化爲一寸
丹千秋照彤史

病起

天氣陰晴正熟梅深閨病起獨徘徊呼鬢且把湘簾捲邀得
嬋娟作伴來

泰山道中

嵯峨岱嶽勢摩空羅列羣峰氣象雄松色尙留秦蹕後雲痕
還起漢封中極天一髮分齊魯鎮地千盤壓華嵩會見驅車
登日觀扶桑遙指曉噉紅

張烈婦

嘉興人壽昌訓導少村女

陶在新日氏出儒門適朱遇人不淑苦諫弗聽光緒庚寅六月朔臂繫絕命詩十首赴水死年僅二十有五郡

人哀之

絕命詞

風淒雨苦漏遲遲欲訴幽衷待告誰自顧紅顏知命薄最憐
白髮負親慈老母尚存首蓬八載無人惜淚灑三更祇自知試看
斑斑襟上血擬將入地問靈祇

畫

梁姓瓜勒佳氏字織雲午滿駐防滿洲鑲黃旗人四
許滌祥日織雲女士讀書明大義年甫笄嘗剖左臂療
母病善女紅戚鄰目為鍼神中年以後刻意繪事用筆
蒼老無脂粉氣

題畫

年來消瘦似詩人寫入丹青更有神別後向誰問芳訊孤山
依舊一枝春

罨畫谿邊綠蔓肥香風吹惹美人衣二分春色知何似為酌

山家酒力微

程靜宜

字仁卿江蘇元和人歸安諸生吳澄秋室著雪香吟館詩草

病起口占

曉窗晨起下簾櫳半為留春半怯風病久不知秋幾許侍兒
報道海棠紅

沈

荷字蓮卿蕭山人沈雨金女錢塘廩生朱寶忠室著息竹軒詩稿

沈祖焯曰女兄秉性幽貞博通經史課讀季弟祖燕自幼迄應童子軍凡八年平日相與講貫經籍督責甚嚴祖燕卒成進士女兄之教為多著有續閨誠兩卷

病中寄七弟祖燕

河梁惜別柳依依轉瞬西風又入幃病久命如秋葉薄家貧
人類雁行飛藥鑪靜對愁難遣書卷閒拋信也稀知否高堂
催暮景顯揚何日答春暉

董吟花 臨海人
金壽室

題黃子珍先生三台名媛詩輯

閨詠爭誇謝絮才筆花秀色毓三台琳瑯一卷詳名氏都是
瑤池謫降來

女子無才原是福偶親筆硯亦前因繡餘炊既饒清思祕稿
生前未示人

網羅按采亦觀風片紙傳鈔徧浙東不盡呢呢兒女語豪吟
也擊唾壺紅

毛玉荷 號蓮卿黃巖人淺雲女廩生江
青室著醉醺花館詩稿一卷

江青跋室毛氏賦術之暇酷好吟詠每得
句拾片紙書之隨處散擲亦不自珍惜也

賞菊

菊放東籬下邀人共舉觴經霜秋欲老伴月夜初長酒送淵

明醉詩題工部狂輕煙籠澹澹晚景自芬芳

王氏

別號爾宜君黃巖人諸生蔡澗室

寄妹

寒宵如水碧雲空
驀向西樓聽斷鴻
廿二年來今夜月
一雙孤影憶西東

汪雲溪

西安人

秋夜

又是秋將半
階前蟋蟀鳴
遣愁愁未去
怯病病偏生
香細鑪邊坐
人涼月下行
深更何所事
靜數漏聲聲

舟過蘭江

一帆徐送碧溪長
已見煙巒似故鄉
野徑遠連江草色
林風輕帶橘花香
雲邊石碓春新米
柳外樵歌唱夕陽
更愛篷窗

兩浙詞林續錄

卷五十四

王氏汪雲溪黃承宣余毅芳

平

川七十一

閑立處每逢魚步識漁莊

姜承宜

字羽和遂安人
諸生余祖念室

洋源春暮即景

雨後南山翠靄通
園林蕭寂減芳叢
豆苗亂出飛花岸
麥浪初翻落絮風
綠暗池塘人悄悄
春深庭院日融融
胸中獨有悠然處
悟到澄觀自在中

余淑芳

字叔圖遂安人著
槐窗詠物詩草

殘畫

落紙雲煙興未闌
錦罽玉軸忽摧殘
良工裝背張龍樹
妙手揮毫楊契丹
待熟名香邀客賞
漫汗寒具借人看
神龍睛在如煩點
破壁騫飛定不難

靜

諾

號自閒道人仁和人
雄聖庵尼著息肩廬詩草

歲暮作

時序自推遷忽然驚歲暮舉目見寒鴉悲鳴如欲訴太陽慘
不舒同雲四野布寒風時北來哀號滿庭戶翹首望陽春陽
春不我顧居諸如隙駒剝啄有定數況我世人浮雲已如
故園有數株梅結伴儘堪度

舟泊姑蘇

扁舟今夜泊遙對闔閭城霞落浦雲晚鴉眠山月明片帆歸
路遠千里客心驚鼓枻不成寐蕭蕭何處聲

河渚初夏

石枕藤牀萬慮忘跣趺不逐世閒忙風生蒲扇人情冷竹映
紗窗月影涼隨地可消清夜永無心還領野荷香門迎流水
塵聲遠檻外松濤入耳長

石

巖

仁和人辟
支庵尼

憶夢

蒲團穩坐好安禪
炯炯金鐙法座燃
慧鳥鳴來深樹裏
亂山飛入小窗前
雲鎔碧海摩晴日
露洗空天散曉煙
記得夢中參我佛
色空空色悟真詮

兩浙輶軒續錄卷五十四